




DS
735
A2W8
19 - -
V. 40



尺木堂綱鑑易知錄卷八六

周之炯靜專

綱目續編定本

山陰吳乘權楚材同輯

周之燦星若

南宋紀

理宗皇帝

名昀太祖十世孫榮王希臘之子寧宗崩史彌遠矯詔立之在位四十年壽六十二

歲而崩。帝四十年間在朝君子小人互為消長治亂相半元滅夏滅金威震海內帝以中材之主能保邦沒身幸也然始終崇尚理學亦賢矣哉

綱

乙酉理宗皇帝寶慶元年

金正大二年

春正月浙州潘

潘王起兵
謀立濟王

系金身久金

卷八

王起兵。謀立濟王。竑。竑討平之。史彌遠矯詔殺竑。追

貶爲巴陵郡公。目湖州三

見上卷

人潘王與其從兄甫

弟丙。以史彌遠廢立不平。乃遣甫密告謀立濟王意於李全。全欲坐致成敗。陽與之期。日遣兵應接。而實無意也。王等信之。遂部分其衆以待。及期。全兵不至。王等懼事泄。乃以其黨雜販鹽盜千餘人。結束如全軍狀。揚言自山東來。夜入州城求濟王。王聞變。匿水竇中。王尋得之。擁至州治。以黃袍加王身。王號泣不從。王等強之。王不得已。乃與約曰。汝能勿傷太后官

家見七十三卷平。衆許諾。遂發軍資庫金帛會子見八十二卷十

犒軍。知州謝周卿率官屬入賀。王等偽爲李全榜揭

於門。數上聲史彌遠廢立罪。且曰。今領精兵二十萬。水

陸並進。人皆聳動。比明視之。則皆太湖漁人。及巡尉

兵卒耳。王知事不成。乃遣王元春告於朝。而帥州兵

討王。王變姓名走楚州。今江南淮安府甫丙皆死。元春至行

在。見三十三卷六史彌遠懼甚。急召殿司將彭玉帥師赴之。

至則事平矣。王至楚。將渡淮。爲小校明亮所獲。送臨

安斬之。彌遠忌竑。詐言竑有疾。令余天錫名醫入湖

州視之。天錫至諭旨。逼竑綏意於州治。以疾薨。聞尋

詔追貶為巴陵見四五郡公。改湖州為安吉州。起居

魏洪相繼
言竑之冤

郎魏了翁。金部員外郎洪咨夔。相繼言竑之冤。及禮

部侍郎直學士院真德秀入對。因曰。陛下初膺大寶。

見四二不幸處人倫之變。有所未盡。流聞四方。所損

非淺。雪峴川亦名雪溪。在湖州府治南。合茗溪。前溪餘不溪。諸水雪然有聲。故名。之變。

非濟邸見上卷三本志。前有避匿之迹。後聞捕討之

討論雍熙
故事

謀。情狀本末。灼然可考。願詔有司。討論雍熙太宗追

封秦邸秦王舍罪卹孤見六五故事。斟酌行之。雖濟

王未有子息興滅繼絕在陛下耳。帝曰：「朝廷待濟王亦至矣。」德秀曰：「若謂此事處置盡善，臣未敢以為然。觀舜所以處象，則陛下不及舜明甚。人主但當以二帝三王為師。」帝曰：「一時倉卒，猝耳。」德秀曰：「此已往之咎，願陛下進德脩學以掩前失。」

理宗非楊廣比

新安胡氏曰：宋一代家法最正，諸后最賢，傳授最明。自理宗之立，濟王之死，而後所謂家法之正，后德之賢，傳授之明，遂掃地矣。然理宗之立，實出楊后彌遠之計，非若隋之楊廣必欲廢兄而奪其位也。故猶相傳五十年而後亡，噫！天之為德其明矣乎。

綱二月，李全作亂，焚楚州。許國走死，以徐晞稷為制

許國速李
全之亂

置使撫之。許國至鎮。李全妻楊氏郊迓。訝也。國辭

不見。楊氏慙而歸。國既視事。痛抑北軍。有與南軍競

者。無曲直偏坐之犒賞。十損八九。全自青州。見上卷二五

還楚州。見上卷三四上謁國。端坐納全拜。不為止。全退怒。

自計曰。彼所爭者拜耳。拜而得志。吾何愛焉。更折。浙

節為禮。因會集閒出劄白事。國見其細故。判從之。全

即席再拜謝。自是動息必請。得請必拜。國大喜。語。去聲

家人曰。吾折伏此虜矣。全往青州。遂遣劉慶福還楚

為亂。至是國晨起視事。忽露刃充庭。國厲聲曰。不得

無禮。矢已及顙。流血蔽面而走。亂兵悉害其家。大縱火焚官寺。親兵數十人翼國登城樓。絕城走。明日。國綰意於途。事聞。史彌遠懼激他變。欲事含忍。以徐晞稷嘗倖副也。楚守海。得全歡心。乃授晞稷制使。令屈意撫全。全聞國死。自青州還楚。佯責慶福不能彈壓。致忠義之閥。斬數人。上表待罪。朝廷不問。晞稷至楚。全及門。下馬拜庭下。晞稷降等止之。賊衆乃悅。綱三
月。葬永茂陵。夏四月。太后以疾罷聽政。綱五月。李
全襲彭義斌于恩州。義斌敗之。目許國旣死。李全牒

疊。移彭義斌於山東曰。許國謀反。已伏誅矣。爾軍

並聽我節制。義斌大罵曰。逆賊背國厚恩。擅殺制使。

我必報此讎。乃斬齎牒人。南向告天誓衆。見者憤激。

五月。全自青州攻東平。今山東兗州府東平州不克。乃攻恩州。

彭義斌致書趙善湘

今山東東昌府恩縣義斌出兵與戰。全敗走。義斌致書沿江制

置使趙善湘曰。不誅逆全。恢復不成。但能遣兵扼淮。

進據漣。漣水。今淮安府安東縣海。今淮安府海州以蹙之。斷其南路。

此賊必擒。賊平之後。收復一京三府。然後義斌戰河

北。盱眙。見八十卷八諸將襄陽。今湖廣襄陽府騎士戰河南。神州

中國曰神州。可復也。時昭四總管亦遣使致書乞助討

賊。知揚州今江南揚州府趙范亦以為言。史彌遠令諭范無

出位專兵。各享安靖之福。范復以書力論之。彌遠不

聽。**綱**六月。加史彌遠太師。封魏國公。彌遠辭太師。許之。**綱**彭

義斌圍東平。嚴實請和。秋七月。義斌徇行定直定。今直

彭義斌死

隸真定府實以蒙古兵來襲。義斌死之。京東州縣盡陷。**綱**

竄大理。評事胡夢昱欲于象州。屬廣西柳州府直夢昱上書

言濟王不當廢。引晉太子申生。漢戾太子及秦王廷

美見上之事為證。言甚切直。史彌遠諷御史李知孝劾

之除名羈雞管而卒。綱贈張九成官爵錄程頤後。綱

帝以九成

見八一卷九

正色立朝。有中興明道之功。贈太

師。追封崇國公。九成研思經學。多所訓解。然早與學

佛者遊。故議論多偏。尋又詔求程頤後。得四世孫源

以爲藉。

籍田令

綱以梁成大爲監察御史。罷直學士。

院真德秀。金部員外郎洪咨夔。目時論濟王事者衆。

史彌遠患之。成大以知縣秩滿待選。諂事彌遠家幹

者萬所。

欣

昕一日言真德秀當逐。成大曰某若入臺。

必能辦此事。昕爲達其語。遂擢御史。成大因與莫澤

三凶
成大

李知孝共爲彌遠鷹犬。凡忤彌遠意者。三人必相繼
擊之。於是給事中王堅品等駁德秀所主濟王贈典
莫澤等繼劾之。遂命提舉玉隆宮。咨夔亦言濟王冤
成大等復交劾之。箋。二秩由是名人賢士排斥。
殆盡。人目成大知孝與澤爲三凶。且謂成大爲成大。
綱冬十一月。以薛拯參知政事。葛洪簽書樞密院事。
綱以李知孝爲右正言。**綱**貶魏了翁官。居之靖州。罷
真德秀祠祿。**綱**胡夢昱貶時。魏了翁出關餞之。李知
孝遂出。了翁首倡異論。將擊之。彌遠猶畏公議。外示

優。故權工部侍郎。了翁力以疾辭。乃出知常德府。

屬湖廣。越二員。諫議大夫朱端常。劾了翁欺世盜名。朋

邪。謗國。德秀奏劄。詆誣。詔了翁落職。靖州屬湖廣居住。

梁成大此書所親

德秀落煥章閣待制。罷祠。梁成大貽書所親曰。真德

秀。乃真小人。魏了翁。乃偽君子。此舉大快公論。識者

笑之。了翁至靖湖湘。見七八江浙之士。不遠千

里。負書從學。乃著九經。易書詩春秋禮記周禮儀禮孝經論語要義百

九經要義

卷。訂定精密。先儒所未有也。德秀既歸浦城。今福建建寧府

讀書記

浦城脩讀書記。見八三四語門人曰。此人君為治之門

如有用我者。執此以往。

綱丙戌二年。

金正大三年

春正月。贈陸九齡等官。賜諡錄。

張栻。呂祖謙。陸九淵。後。目。詔贈陸九齡直祕閣。諡文。

達。沈煥。直華文閣。諡端憲。錄張栻。呂祖謙。陸九淵。子。

孫官各有差。

唯

九齡撫州金谿。

今江西撫州府金谿縣。

人幼穎。

悟端重。秦檜當國。程氏學廢。九齡獨尊其說。舉進士。

調興國教授。嚴規矩。勸綏引。士類興起。改全州教。

授卒。張栻嘗與講學。期以任道之重。呂祖謙嘗稱之。

曰。所志者大。所據者實。九淵。九齡弟。生而穎異。與其。

兄弟自相
師友

象山先生

利欲意見
之人
六經皆我
註脚

兄自相師友和而不同其教人不用學規有小過言
中其情或至流汗有懷於中而不能自曉者爲之條
析其故悉如其心亦有相去千里聞其大槩而得其
爲人後以將作監丞奉祠還鄉學者稱爲象山先生
九淵嘗謂學者曰汝耳自聰目自明事父自能孝事
兄自能弟本無欠闕不必他求在乎自立而已又曰
此道與溺於利欲之人言猶易興溺於意見之人言
却難或勸其著書九淵曰學苟知道六經皆我註脚
及知荆門軍今湖廣安陸府荆門州政行令脩民俗爲去聲變率

鵝湖辨論

多不合

白鹿何謂

君子小人

論義利一

章

無極而人

極之辨

拔山先生

諡曰文安九淵嘗與朱熹會於鵝湖山名在江西廣信府弋山縣上

有湖背龔氏畜鵝於此故名朱陸二子講學處號鵝湖書院在鵝湖山下辨論多不合及

熹與至白鹿洞見八三九淵為講君子小人喻義利

一章熹以為切中學者隱微深痼之病至於無極而

太極之辨則貽書往來論辨不置焉其次兄九韶亦

學問淵粹人稱為梭山先生九淵門人其最著者曰

袁燮楊簡沈煥舒麟燮端粹專靜為國子祭酒延見

諸生必迫以反躬切己忠信篤實是為道本聞者竦

然有得每言人心與天地一本精思以得之兢業以

守之則與天地相似。簡篤學力行。為政設施皆可為

後世法。所著禮書行於時。煥定海今浙江寧波府定海縣人。乾

道孝宗中為大學錄。以所躬行者淑諸人。同僚忘其

立異。或勸其姑營職道。未可行也。煥曰。道與職有二

乎。適私試發策。引孟子立乎人之本朝而道不行恥

也。言路以為訕已。請黜之。遂為高郵由今江蘇南揚軍州府高郵

教授。終於舒州今江蘇黃州府。通判煥人。品高用不著。自

恕常曰。書觀諸妻子。夜卜諸夢寐。兩者無愧。始可以

言學。璘刻苦磨厲。改過遷善。從張栻及九齡遊。及歸

詩禮講解

朱熹呂祖謙講學於婺務。婺州。今浙江金華府。徒步往謁之。乾

道中為徽州今江南徽州府。教授。作詩禮講解。仕終宜州。江

西袁州府通判。明發。理宗崇信姦邪。貶黜正士。無可言者。獨褒表先哲。一事差強人意。故

特揭而書之。所綱。二月建昭勳崇德閣。趙普曹彬薛居正石熙載

以不沒其善也。潘美李沆王旦李繼隆王曾呂夷簡曹瑋韓琦曾公亮富弼司馬光韓忠彥呂頤浩趙鼎韓世忠張俊陳

康伯史浩葛邲後益以趙汝綱三月蒙古圍李全于

泗州。全糧援路絕與兄福謀福曰二人俱死無益

也。汝身係南北輕重我當死守孤城汝閒諫道南歸

掛兵赴援可尋生路全曰數十萬勦敵未易支也全

卷之六

出城夕陷。不如兄歸。於是全留青福還楚。見上
綱

秋七月。夏主德旺以憂卒。弟子賢上曉聲立。**綱**八月。衛

涇卒。**綱**徐晞稷罷。以劉瑋為淮東制置使。冬十一

月。盱眙見上忠義夏全作亂。逐劉瑋。以衆降金。

綱丁亥三年。金正大四年春正月。以姚弋仲九為淮東制置

使。**綱**贈朱熹太師信國公。**綱**熹先諡曰文。至是詔曰

朕觀朱熹集註大學論語孟子中庸發揮聖賢蘊奧

有補治道。朕勵治講學。緬懷典刑。可特贈熹太師。追

封信信州。今江西廣信府國公。踰月。熹子工部侍郎在入對。言

贈朱熹詔

人主學問之要。帝曰。先卿中庸序言之甚詳。朕讀之

不釋手。恨不與之同時也。紹定

理宗年號

中改封徽即徽州府

國公。綱夏五月。李全以青州降蒙古。

六月。楚州忠

義李福作亂。逐姚狝。詔以統制楊紹雲兼淮東制置

使。改楚州為淮安軍。

綱蒙古鐵木真滅夏。以夏主覲

歸。目時諸將爭掠子女財帛。耶律楚材獨取書數部。

大黃兩駝而已。既而軍士病疫。唯得大黃可愈。楚材

用之。所活萬人。綱秋七月。張林等歸淮安。討李福。斬

之。綱八月。蒙古以李全行省事于山東淮南。全自青

州復入淮安殺張林。**綱**冬十二月蒙古鐵木真死于

六盤山。

在陝西平涼府隆德縣

少子拖雷監國。蒙古主在位

二十二年卒年六十六。廟號太祖。凡四子。長曰木亦

性卞急。

躁疾也

而善戰。早死。二曰察合歹。

戴上也

性愼密。

為衆所畏。三曰窩倭闊台。四曰拖雷。鐵木真死。拖雷

監國。**綱**蒙古入西和州。知州事陳寅死之。蒙古兵

薄

博

逼也。西和

今陝西鞏昌府西和縣

城寅率民兵晝夜苦戰。援

兵不至。城遂陷。寅謂妻杜氏曰。若

也。速自為計。杜厲

聲曰。安有生同君祿死不共王事者。即飲藥自殺。二

陳寅闔門死節

陳寅死節

子及婦俱死。母傍寅斂而焚之。乃自伏劍死。賓客同死者二十八人。

綱戊子。紹定元年。

金正大五年。

春三月。金將完顏陳和尚

大敗蒙古兵于大昌原。蒙古兵入大昌原。金將完

顏陳和尚以四百騎大敗蒙古八千之衆。士氣皆倍。

蓋自有蒙古之難二十年。間始有此捷。奏功第一名。

震關中。綱冬十二月。以薛拯知樞密院事。袁紹同知

院事。鄭清之簽書院事。葛洪參知政事。

綱己丑二年。

金正大六年。蒙古太

宗奇渥溫窩闊台元年。秋八月。蒙古窩

閣台立

綱庚寅三年

金正七年

春三月復起趙范趙葵節制鎮

江今江南鎮江府滁州屬江南

軍馬

范葵皆方之子時丁母憂求解官不許乃卒哭俱復

視事

綱夏五月

以李全為彰化

今平涼府

保康

今湖廣鄖陽府保康縣

縣

節度使京東鎮撫使全不受命遂罷知揚州翟朝

宗目全自還楚即厚募人為兵不限南北全知東南

利舟楫謀習水戰米商至悉併舟糴之留其舵工以

一教十又遣人泛江湖市桐油黏筏厚募南匠大治

舳艫船自淮口及海相望時時試舟於射陽湖

任惟安附

山陽鹽城揚州府寶應三縣界及海洋復以糧少為辭遣海舟自蘇

州今江南洋入平江即蘇州府嘉興今浙江嘉興府告糴實欲習

海道以覘諂平去二聲。窺視也。議旬且欲銷朝廷兵備乃遣

軍士穆椿潛入京師皇城縱火焚御前軍器庫於是

先朝兵甲盡喪及全糴麥舟過鹽城知揚州翟朝宗

嗾數尉兵奪之全怒以捕盜為名水陸數萬徑擣鹽

城戍恕將陳益樓疆知縣陳遇皆遁全入城據之

鄭祥董友守鹽城而自提兵還楚州以狀白於朝曰

遣兵捕盜過鹽城縣令自棄城遁去慮軍民驚擾不

如待小兒
啼則與果

免入城安衆朝廷乃授全節鉞

見五四卷十一

令釋兵命制

置司幹官往諭之全曰朝廷待我如小兒啼則與果

不受制命朝廷爲

去聲

罷朝宗命通判趙璩夫攝州事

趙范趙葵深以全必反爲慮累疏力言之史彌遠不

納

綱

冬十月以趙善湘爲江淮制置使目李全反謀

益急執政多不以爲意獨鄭清之深憂之方勸帝討

全帝乃以趙善湘制置江淮許便宜從事然猶有內

圖進討外用調停之說惟趙范趙葵兄弟方請進兵

討之綱十二月李全寇揚州趙范趙葵會師擊敗之

以鄭清之參知政事喬行簡同簽書樞密院事

立皇后謝氏皇后天台今浙江台州人丞相深甫之

孫也生而鰲離黑色黑翳意蔽也一目父渠伯早世產業

破壞后躬親汲飪帝即位議擇中宮楊太后以深甫

有援已功命選謝氏女謝氏獨后在室兄弟欲納入

宮諸父舉伯不可曰即奉詔納女當厚奉資裝異

時不過一老宮婢事奚益會元夕縣有鵲來巢燈山

衆以爲后妃之祥舉伯不能止乃共送后就道后旋

病疹軫良已膚蛻退瑩白如玉醫又藥去翳遂與賈

鵲巢燈山之祥

涉女同入宮。賈女有殊色。帝欲立之。太后曰。謝女端重。有福。宜正中宮。左右亦相竊語曰。不立真皇后。乃立假皇后邪。帝不能奪。賈如專寵。後宮后處之裕。如不以介懷。太后益賢之。帝禮遇日加。

綱辛卯四年。

金正大八年

春正月。趙范趙葵大敗李全于

揚州城下。全走死新塘。

在江南徐州豐縣

綱夏五月。趙范趙

葵等收復淮安。

全將國安用從全妻楊氏走山東降於蒙古。蒙古以爲都元帥行省山東。

綱秋八月。蒙古主以耶律楚材爲中書令。綱九月。太

趙范兄弟
收復淮安

廟火。冬十二月。新作太廟。

通鑑卷五十五元天興春正月以孟珙珙為京西兵馬

鈐指轄屯棗陽目初珙父宗政知棗陽見三卷招唐

順軍

見上卷登二六蔡今河南汝寧府州壯士三萬餘人號忠順軍命

棗陽平堰

江海統之衆不服制置司以珙代海珙分其軍為三

衆皆帖然珙又勸平堰燕壘水為堰於棗陽自城至軍西

十八里由入壘河經漸水側水跨九阜建通天槽八

十有三丈既灌也田十萬頃百畝為頃立十莊三轄使軍

民分屯邊儲豐足珙又命忠順軍家自畜馬官給芻

粟馬益蕃息至是以母憂起復駐劄棗陽綱以史嵩

之爲京湖制置使

知襄陽府

蒙古窩闊台自白坡渡河

次鄭州

屬河南開封府

使其將速不臺圍金汴京

今河南開封府

綱

金完顏合達移刺蒲阿引軍援汴及蒙古拖雷戰於

金完顏陳和尚死節

三峰大敗忠孝軍總領完顏陳和尚死之金遣曹

王訛可爲質

至于

蒙古請和夏四月蒙古退軍河洛

綱秋七月以陳貴誼同簽書樞密院事蒙古國安

用降金金封爲充王行東京尚書省事賜姓名完顏

用安綱閏九月

見五卷十三

出于角

綱

冬十月金盱眙

九見上守將以城來歸詔改爲昭信軍綱蒙古拖雷死

趙范乞鑒
宜和之禍

國拖雷

見上

生六子長蒙哥次木兒哥三忽都都四

忽必烈五旭烈六阿里不哥綱十二月皇太后楊氏

崩諡曰恭聖仁烈外朝以綱蒙古遣使來議伐金許

之綱蒙古再遣王楫楫來京湖議夾攻金史嵩之以

聞朝廷皆以為可遂復讎之舉獨趙范不喜曰宜和

徽宗海上之盟約金夾厥初甚堅迄以取禍不可不

鑒帝不從命嵩之報使許之嵩之乃遣鄒伸之往報

蒙古許俟成功以河南地來歸綱金主守緒出奔河

北蒙古速不臺復圍汴

綱癸巳六年

金大興二年

春正月金主守緒濟河使完顏

白撒攻衛州

今河南衛輝府

與蒙古兵戰大敗金主走歸德

今河南歸德府

白撒伏誅

綱

金汴京西面元帥崔立作亂以

梁王從恪監國而幽之自為太師尚書令都元帥以

城降蒙古

綱

夏四月金崔立執其主之后妃及梁王

從恪等送蒙古軍蒙古速不臺殺從恪等以后妃北

還

在道艱楚萬狀尤甚於徽欽之時

綱六月蒙古取洛陽金中京西

金強伸死節

守強伸死之

金主守緒走蔡州

見上

綱蒙古以孔元

措襲封衍聖公

從耶律楚符之請也

綱

秋八月史嵩之以兵會

蒙古將塔察兒伐金會攻蔡州也九月金人來乞糧不

許。金使完顏阿虎帶來乞糧將行。金主諭之曰。宋

人負朕深矣。朕自即位以來。戒飭邊將。無犯南界。邊

臣有請征討者。未嘗不切責之。今乘我疲弊來攻。彼

為謀亦淺矣。蒙古滅國四十。以及西夏。夏亡及於我。

我亡必及於宋。唇亡齒寒。自然之理。若與我連和。所

以為我者。亦為彼也。卿其以此意曉之。阿虎帶至朝

廷。不許。綱蒙古塔察兒圍金蔡州。冬十月。史嵩之使

孟珙等帥師會之。金主徵服率兵夜出東城謀遁去及恤遇敵兵戰而還殺廐馬以犒

我亡必及於宋
為我亦為彼

將士然其勢不可為已

綱封史彌遠為會稽郡王奉朝請彌遠

尋卒。彌遠以疾求解政。詔彌遠有定策大功。勤勞

王室。宜加優禮。於是封會稽郡王。奉朝請。

見十五卷二三

八日而卒。彌遠為相凡二十六年。用事專且久。權傾

內外。初欲反。韓侂胄所為。故收召賢才。老成。布於朝

廷。及濟王不得其死。論者紛起。遂專任儉。

纖壬小人

以居臺諫。一時君子貶斥殆盡。帝德其立已。惟言是

從。故恩寵終其身。綱十一月。刑部侍郎梁成大等有

罪免。時成大權刑部侍郎。有旨黜之。既而臺臣交

史彌遠傳

劾刑部尚書兼給事中莫澤貪淫忮害工部尚書李
知孝侵欲亡厭皆罷之蓋三人皆黨附史彌遠排斥
諸賢而成大尤心術嶮險希也凡可賊害忠良
者率攘臂爲之雖知孝亦鄙其爲人至曰所不堪者
他日與成大同傳耳卒皆貶死天下快之綱詔改元
綱史彌遠卒帝始親政勵精求治鄭清之亦慨然以
天下爲已任收召賢才擢之朝廷下詔改明年紀元
端平綱曾從龍宣繪免綱以洪咨夔王遂爲監察御
史綱帝親政五日卽召咨夔爲禮部員外郎入對帝

問以今日急務。咨夔言。進君子。退小人。開誠心。布公道。因乞名用。崔與之。真德秀。魏了翁。帝納之。翌日。與王遂並拜御史。咨夔謂遂曰。朝無臺諫久矣。要當極本原而先論之。因上疏乞權歸人主。政出中書。以致平治之道。且劾資政殿學士袁韶。仇視善類。詔附史彌遠。詔奪韶祠祿。又論趙善湘。鄭損。陳賅。該納賂史彌遠。怙勢肆姦。失江淮荆襄蜀漢人心。罪狀顯著。詔善湘有討李全功。特寢免。賅損皆落職。**綱**十二月。薛極免。**目**極與胡桀。矩聶子述。趙汝述。附史彌遠最親。

用事時人謂之四木

綱甲午端平元年

金天興二年是歲金亡

春正月金主守緒傳

位于其宗室承麟孟珙以蒙古兵入蔡州守緒及其

尚書右丞完顏忽糾虎死之承麟為亂兵所殺金亡

綱以陳蔡西北地分屬蒙古蒙古以劉福為河南道

總管史嵩之使孟珙等分屯京西綱三月以賈貴妃

弟似道為藉籍

籍

田令

目似道涉之子

少落魄為遊博

不事操行以蔭補嘉興

今浙江嘉興府

司倉帝以貴妃故累

擢藉田令恃寵不檢自縱遊諸妓家至夜即燕遊湖

上不返帝嘗夜憑高望西湖

在杭州府城西

中燈火異常時

語去聲

左右曰此必似道也明日詢之果然使京尹史

巖之戒之巖之對曰似道雖有少年氣習然其才可

大用也

發貴妃之弟至微也藉田之令廣觀分注所

明至卑也何以書志禍始也義載則知理

志禍始
理宗甘心
用小人

宗知似道之無賴有素矣知而用之則是理宗甘心於用小人也南宋之亡豈無自哉

綱夏四

月獻金俘于太廟論功行賞有差目史嵩之遣使以

孟珙所獲金俘囚張天綱完顏好海等獻於臨安四

月丙戌備禮告於太廟加孟珙帶御器械江海以下

論功行賞有差知臨安府薛瑄問天綱曰有何而目

張天綱忠義

到此天綱曰國之興亡何代無之。我金之亡比汝二帝何如。瓊叱之。明日奏其語。帝召天綱問曰。汝真不畏死邪。天綱對曰。大丈夫患死之不中節耳。何畏之有。因祈死不已。帝不聽。初有司令天綱具狀。必欲書金主爲虜主。天綱曰。殺卽殺。焉用狀爲。有司不能屈聽其所供。天綱但書故主而已。聞者憐之。後莫知其所終。○監察御史王遂言。史嵩之本不知兵。矜功自侈。謀身詭祕。欺君誤國。留之襄陽。一日則有一日之憂。不報洪咨夔亦言。殘金雖滅。鄰國方強。亦嚴守備。

猶恐不逮。豈可動色相賀。渙然解體。以重方來之憂。

帝嘉納之。五月。賜黃榦李燾李道傳等諡。錄其子。

目詔榦燾道傳及陳宓密樓防徐瑄胡夢昱等。阨於

權奸。而各行其志。沒齒無怨。其賜諡復官錄用其子。

綱六月。以曾從龍參知政事。喬行簡知樞密院事。鄭

性之簽書院事。詔復故濟王竑官爵。綱趙范趙葵

請復三京。詔知廬州全子才會兵趨汴。金故將李伯

淵等誅崔立以降。目范葵欲乘時撫定中原。建守河

據關。收復三京。鍊京汴川。今河南開封府。西京洛陽。河南河南府。南京應天。今河南歸。

趙范趙葵
請復三京

丘岳諫趙范

德府之議朝臣多以為未可獨鄭清之力主其說乃命

趙范移司黃州今湖廣黃州府刻日進兵范參議官丘岳曰

方興之敵新盟而退氣盛鋒銳胃寧肯捐所得以與

人邪我師若往彼必突至非惟進退失據開釁致兵

必自此始且千里長驅以爭空城得之當勤餽餉後

必悔之范不聽史嵩之亦言荆襄方爾饑饉未可興

師杜杲稿復陳守境之利出師之害喬行簡時在告

喬行簡諫與兵疏

也休假土疏曰八陵有可朝之路中原有可復之機以

大有為之資當大有為之會則事之有成固可坐而

策也。臣不憂師出之無功。而憂事力之不可繼。有功而至於不可繼。則其憂始深矣。夫規恢進取。必須選將練兵。豐財足食。而今將乏卒寡。財匱食竭。臣恐北方未可圖。而南方已先騷動矣。願堅持聖意。定爲國論。以絕紛紛之說。皆不聽。而詔知廬州。今江南廬州府全子才合淮西兵萬人赴汴。時汴京都尉李伯淵、李琦、李賤奴等爲崔立。見上十五所侮。謀殺之。及聞子才軍至。伯淵等以書約降。而陽與立謀備禦之策。六月。伯淵燒封丘門。約立視火。倉猝中就馬上抱立刺殺之。遂以

城降

恢復必廢
事勢

新盟豈宜
康叛

靜軒周氏曰請復三京何以無貶詞三京宋之
故上也書故將何予義也崔立背君降虜其罪
已甚故直書誅以正其罪雖然三京淪於夷狄
固為臣子之恥恢復故疆乃其分也然必度其
事勢吾之兵甲精歟倉廩盈歟人才足歟府庫
充歟然後舉事倘慮弗及況蒙古以方張不制
之虜新與訂盟豈宜遽叛則是中國先失信於
夷狄而曲在宋矣又安能不致蒙古之雲擾哉
他日下詔罪已方悔前愆嗚呼晚矣故直書以著其自取之失也

綱趙葵帥師會全子才于汴秋七月葵將楊誼等入

洛陽全子才次于汴趙葵自滁州見上以淮西兵

五萬趨汴以會之葵謂子才曰我輩始謀據關守河

今已抵汴半月不急攻洛陽潼關

見四一卷七

何待邪子

才以糧餉未集對葵督促益急乃檄

吸

鈴韓范用吉

等提兵萬三千命淮西制置司檄宜文字徐敏子爲

監軍先命西上又命揚誼以廬州强弩軍萬五千繼

之名給五日糧七月徐敏子啓行遣軍正將張迪以

二百人趨洛陽迺至城下城中寂然無應者至晚有

民庶三百餘家登城投降迪與敏子遂帥衆入城蒙

古聞之復引兵南下

綱

八月朱揚祖還白河南

目先

是遣太常簿朱揚祖詣河南省謁八陵至是還揚祖

以八陵圖上進帝問諸陵相去幾何及陵前澗水新
復揚祖悉以對帝忍涕太息久之綱蒙古復引兵至
洛陽城下楊誼軍潰會趙葵全子才遂棄汴而歸目
徐敏子入洛之明日軍食已竭乃采蒿和去聲麪作餅
而食之楊誼至洛東三十里方散坐蓐食見二二卷三而
蒙古伏兵突起深蒿中楊誼倉卒猝無備師遂大潰
誼僅以身免八月朔旦蒙古兵至洛陽城立寨敏子
與戰勝負相當士卒乏糧因殺馬而食敏子等不能
畱乃班師趙葵全子才在汴亦以史嵩之不致餽糧

用不繼所復州郡率皆空城無兵食可因遂皆引師南還趙范以入洛之師敗績上表劾蔡子才輕遣偏師趙楷劉子澄叅贊失計師退無律致後陣覆敗詔蔡子才削一秩餘貶秩有差鄭清之力辭解政不許喬行簡上言三京撓敗之餘事與前異但當益脩戰守之備帝嘉納之綱京湖制置使史嵩之免九月以趙范代之綱召真德秀爲翰林學士魏了翁直學士院義名者所以善理宗用賢之美也臣帝因民望召還二人德秀入對帝迎謂曰卿去國十年每切思賢

真德秀上
大學衍義

真德秀進
講大學衍義

德秀以大學衍義上進。因言於帝曰：「天之所助者，順人之所助者，信。」二句易聲辭上傳之辭天厭夷德久矣。陛下僅能敬德以迓續休，命中原終為吾有。若徒以力求之，而不反其本，夫意難測。臣實憂之。了翁入對，言事剴切，反覆利害之端，至漏下四十刻，乃退。帝皆嘉納之。
綱冬十月，陳貴誼奏**綱**詔真德秀進講大學衍義。
靜軒周氏曰：大學衍義無非發明格致誠正之功，脩齊治平之業，誠存國者之所當講也。理宗於萬幾之暇，特詔德秀進講，是編自非畱心於聖學者，曷克以臻此哉！其與玩物喪志者異矣。
綱十二月，蒙古使王檝來。曰：「蒙古使王檝來，言曰：何

為而敗盟也。自是河淮之間無寧日矣。**綱**安南入貢

綱乙未二年春正月以程芾費為蒙古通好使。**綱**詔

孟珙屯黃州。珙留襄陽招中原精銳之士萬五千

人分屯淩巢北。淩淩湖各在江南。樊城見上。新野今河南

陽府新唐鄧見上。閒以備蒙古名鎮北軍。詔以珙為

襄陽都統制。入對授主管侍衛馬軍司公事。時暫黃

州見上。駐劄朝辭。帝問恢復。珙對曰願陛下寬民力

蓄人材。以俟機會。帝問和議。珙對曰臣介冑之士。見

二卷當言戰不當言和。賜賚甚厚。珙至黃增陴皮上

女牆浚隍城下池也蒐按訪軍實邊民來歸者日以千數爲

屋三萬閒以居之厚加賑貸又慮軍民雜處因高阜爲齊安鎮安二砦以居諸軍綱三月以眞德秀參知政事陳卓同簽書樞密院事夏五月德秀卒自德秀拜參知政事時已得疾遂三上表乞祠帝不得已授資政殿學士提舉萬壽宮逾旬而卒贈銀青光祿大夫諡文忠德秀立朝不滿十年奏疏將數十萬言皆切當世要務直聲震朝野四方文士誦其文想見風采及宦遊所至惠政深洽不愧其言由是中外交頌

獨慨然以斯文自任

史彌遠忌之輒擯不用而聲聞愈彰及歸朝將大用則號衰矣然自韓侂冑立偽學之名以錮善類凡近世大儒之書皆顯禁絕之德秀晚出獨慨然以斯文自任講習而服行之黨禁既開正學遂明於後世德秀之力爲多綱六月葛洪免召崔與之參知政事不至綱與之自成都乞歸廣州見上卷三四每有除命皆力辭不起及拜廣東安撫會摧鋒軍士作亂與之肩輿登城叛兵望之俯伏聽命而散因卽家治事帝注想彌切召參大政與之力辭帝乃遣使趣促之且訪以

蒙古分道
入元

政事之當行罷者人才之當用舍者與之上疏曰天生人才自足以供一代之用惟辨其君子小人而已忠實而有才者上也才不高而忠實存者次也用人之道無逾於此帝嘉納之召命益力與之控辭至十三疏不許綱蒙古主使其子闊端等分道入寇回蒙古主命子闊端將塔海等侵蜀忒木解歹及張柔等侵漢口溫不花及察罕等侵江淮又命姪蒙哥征西域唐古魯火赤伐高麗綱冬十二月以魏了翁同簽書樞密院事督視江淮京湖軍馬回了翁在朝凡六

賜書院

月前後二十餘疏皆當世急務帝將引以共政而思

者相與合謀排擯之且言了翁知兵體乃命出視師

賜優宜詔書如張浚故事。陛辭御書唐嚴武見五二

詩。又鶴山見上卷書院四大字賜之了翁開幕府見四

一於江州今江九江府以吳潛為參謀官趙善瀚馬光

祖為參議官綱曾從龍卒以余嶸橫同簽書樞密院

事。綱蒙古闊端入河勉州今陝西漢中府河縣殺知州事高稼

進圍青野原利州見上卷統制曹友聞將兵救却之

綱丙申三年春正月蒙古將武木哥寇江陵今胡廣

江陵縣

目統制李復明死之綱二月名魏了翁還簽書

樞密院事固辭不拜目廷臣多忌了翁者故謀假出

督以外之甫二歲復以建督爲非名之還而帝不悟

於是了翁固辭求去綱以陳韓委爲沿江制置使史

嵩之爲淮西制置使韓兼知建康府綱三月襄陽將

王旻等作亂以城降蒙古綱趙范在襄陽以北軍將

王旻季伯淵樊文彬黃國弼等爲腹心朝夕酣狎了

無上下之序民訟邊防一切砌廢弛旣而南北軍交

爭范失於撫馭於是旻伯淵焚襄陽城郭倉庫相繼

降於蒙古詔削趙范三官仍舊職任

廣鳴呼開邊者義趙范也養亂

者亦趙范也亡宋禍蒙趙實揭之是則雖殺百全其何以贖莫大之罪

綱夏四月魏了

翁罷回。了翁乞歸田里不允以資政殿學士知潭州

了翁

見上時殿中侍御史李韶訟曰了翁刻志問學幾四

十年忠言讜論載在國史比者樞庭之詔未幾改鎮

改鎮未久有旨予祠不知國家人才燁葉然有稱如

了翁者幾人願亟召還處以台輔不報**綱**下詔罪已

回時師屢為蒙古所敗襄漢淮蜀日事兵爭帝悔前

事命學士吳泳草詔罪已泳以監察御史王萬忠仇

罪色

有大志精於邊防以詔意訪之萬曰兵固失矣言之甚恐亦不可今邊民生意如髮宜以振厲奮發興感人心因爲條具沿邊事宜冰從其言草詔上進其略有曰數年之間多難已甚屬視金之浸滅而蒙古之與鄰逮合謀成破蔡之功恐假道有及虞之勢心之憂矣臍可噬乎噬臍見四卷十七又曰兵民之死戰鬪戶口之困流離室廬靡存幣幣見二九卷十一相望是皆朕明不能燭德有未孚上無以格天心下無以定民志今方施令發政以爲緩輯之圖補卒蒐乘以嚴守禦之

備想瘡痍之溢目如疾病之在身。綱五月以趙葵為

淮東制置使。葵兼知揚州。懇田。綱秋七月陳卓罷以

鄭性之參知政事。李鳴復簽書樞密院事。綱八月趙

范有罪免。論失襄陽之罪也。綱蒙古陷棗陽軍德安府。旦初

蒙古破許州。屬河南。開封府。獲金軍資庫使姚樞。楊惟中見

之以兄事樞。時北庭無漢人士大夫。太祖鐵木真見樞

至甚喜。特加重焉。及闕端南侵。俾樞從。至是破棗陽

見上卷。忒木觶欲阬經士人。樞力與辨。得脫死者數

十人。繼拔德安。今湖廣德安府。得趙復。復以儒學見重於世。

程朱性理之書

劉銳等死節

其徒稱為江漢先生既被獲不欲北行力求死所相止與共宿譬說百端曰徒死無益隨吾而北可保無

他也至燕燕京今直隸順天府名益大著學徒百人由是北方

始知學經而樞亦初得觀程朱性理之書廣義姚樞金

趙復民也復尚力求死所樞乃一意從之則二人之優劣蓋可知矣綱九月有事于明

堂大雨震電鄭清之喬行簡免召崔與之為右丞

相兼樞密使復辭不至綱曹友聞與蒙古戰于陽平

關在陝西漢中府寧羌州敗績死之蒙古闊端遂入成都今四川

都府綱冬十月蒙古陷文州知州事劉銳等死之綱

綱

端兵離成都入文州見六一卷九知州劉銳通判趙汝鼎

同乘城固守晝夜搏戰踰月援兵不至銳度不免集

其家人盡飲去聲以藥皆死家素有禮法幼子纔六歲

飲藥時猶下拜受之左右感動城破銳及其二子自

刎死汝鼎被執戀上聲切肉塊也殺之軍民同死者數萬

綱封陳日煚景為安南王綱十一月以喬行簡為左

丞相兼樞密使蒙古兵入淮西詔史嵩之趙葵陳

韓分道拒之孟珙引兵敗蒙古忒木解于江陵綱

蒙古將察罕寇真州知州事丘岳敗之綱復成都終

幼子下拜
受藥

大木堂綱鑑易知錄卷八七

周之炯靜專

綱目續編定本

山陰吳乘權楚材同輯

周之燦星若

南宋紀

理宗皇帝

[綱]丁酉嘉熙元年春正月以李埴同知樞密院事宣

撫四川二月以鄭性之知樞密院事鄒應龍簽書

院事李宗勉同簽書院事李鳴復罷**[綱]**詔經筵進

詔經筵進
講通鑑綱

日

綱目有益
於治道

綱目有益

講朱熹通鑑綱目治鑑目錄司馬公晚筆也其書

補遺胡文定續書也其事固備不足以示後來鑒戒

然則成先正未成之志發遺書未發之蘊此朱子綱

目之作其有益於治道也不少誠為人君之當講也

理宗能詔經筵進講綱目是蓋能知先務而不惑他

岐者矣直書於綱三月資政殿學士魏了翁奉贈少

冊深予之也靖文綱夏五月臨安大火目臨安大火自已至西燒民

廬五十三萬士民上書咸訴濟王之冤進士潘枋方

對策亦以為言并及史彌遠侍御史蔣峴賢上彌遠

之黨也上疏謂火災天數何預故王遂劾方大琮王

邁劉克莊等鼓扇異論并斥枋姓同逆賊語涉不順

蒙古校士
諸路

請皆論以漢法。自是羣臣無敢復言濟王寃矣。綱六月，鄒應龍罷。秋八月，以李鳴復參知政事。李宗勉簽書樞密院事。綱蒙古校儒士于諸路。目耶律楚材奏制器者必用良工，守成者必用儒臣。儒臣之事業，非積數十年殆未易成也。蒙古主曰：果爾，可官其人。楚材請校試之，乃命稅課使劉中楊與隨郡考試。以經義詞賦論分為三科。儒人被俘，見七九卷二為奴者亦令就試。其主匿弗遣者死，得士凡四千三十人，免為奴者四之一。楚材又請一衡量，立鈔。錢鈔也法定均輸。

庶政略備民稍蘇息綱冬十月蒙古寇安豐知軍事

杜杲力戰禦之蒙古引還回蒙古口溫不花攻黃州

杜杲守安豐

孟珙帥師救却之遂攻安豐見八五杜杲繕

完守禦蒙古以火砲焚樓櫓樓城上望杲隨陷隨補完

蒙古令拔都魯斫斫也牌杈又木拔都魯者皆死囚

爲之攻城以自贖杲募善射者用小箭射其目拔

都魯多傷而退會池州今江南都統制呂文德突圍

入城合力捍禦蒙古引去淮右以安文德安豐人魁

梧勇悍嘗鬻薪城中趙葵見其遺履長尺有咫止

日異而訪之。值文德出獵，暮負虎鹿各一而歸，召置帳下，遂累功勞，超擢軍職。

綱戊戌二年春正月，以余天錫同簽書樞密院事。**綱**

二月，以史嵩之參知政事，督視京湖江西軍馬也。可

鄂州。今湖廣武昌府。尋兼督視淮南西路光蘄黃夔施州。**綱**夏六月，李埴卒。

綱秋七月，以趙以夫同知樞密院事。**綱**九月，蒙古圍

廬州。杜杲敗走之。蒙古察罕帥兵號八十萬圍廬

州。今江南廬州府。期破廬，後造舟巢湖。見八十一卷。以窺江左。於

壕。壕，下池也。外築土城六十里，穿兩壕，攻具皆數倍於

杜杲守盧州

蒙古建太極書院

攻安豐時杜杲極力守禦蒙古築垣霸高於城樓杲

以油灌草即垣下煉之皆為煨威燼盡又於串樓內

立鴈翅七層俄砲中垣上眾驚杲乘勝出戰蒙古敗

走杲追躡數十里又練舟師扼淮河遣其子庶監呂

文德聶斌伏精銳於要害蒙古不能進遂引師北歸

詔加杲淮西制置使綱以孟珙為京湖制置使冬十

月珙復鄂州湖廣武昌府荆門軍見上綱蒙古建太極書

院于燕京目時濂溪見七一周子之學未至於河朔

也河北楊惟中用師於蜀湖京漢得名士數十人始知

其道之粹歲乃收集伊洛二程氏諸書載送燕京今直隸順

天師還與姚樞謀建太極書院濂溪著太極圖見七卷十五及周

子祠以二程顥張載楊時游酢朱熹六子配食請趙

復為師選俊秀有識度者為道學生由是河朔始知

道學

綱已亥三年春正月以喬行簡為少傅平章軍國重

事李宗勉為左丞相兼樞密使史嵩之為右丞相兼

樞密使督視江淮四川京湖軍馬目嵩之既相一時

正人多以不合逐去時三相當國論者謂喬失之泛

孟珙復襄陽

李矢之狹。史失之專。然宗勉清謹守法。猶號為賢。綱以余天錫參知政事。游侶似簽書樞密院事。綱三月

孟珙復襄陽。珙遣兵及蒙古三戰皆捷。遂復樊城。

見八五襄陽。見上卷因上奏曰。取襄不難。而守為難。

襄樊為朝廷根本

非將士不勇也。非車馬器械不精也。實在乎事力之不繼。爾襄樊為朝廷根本。今百戰而得之。當加經理。如護元氣。非甲兵十萬不足分守。與其抽兵於敵來

之後。孰若保此全勝。練兵集謀。此不爭之爭也。乃以

蔡蔡州今河息今汝寧降人置忠衛軍。襄郢郢州降

忠衛軍

人置先鋒軍。名。十二月。祝文。殿大學士致仕。崔。

之卒。因與之。出番。用。今廣東廣。屹。銀。入。然。

有大臣。屬與張九齡。廣東韶州府曲江縣。名。其。代。

贈少師。封南海郡。州。即廣。公。諡清獻。綱。孟。其。運兵。禦蒙。

古于蜀口。遂復夔州。夔。今四川。府。綱。以陳垣。喧。為國子司。

業。因垣。史彌遠之甥也。紹定。理宗。年號。中。為太常博士。王。

疏。乞去君側之蠱媚。以正主德。從天下之公。無。以新。

庶政。蓋指賈貴妃及彌遠也。彌遠名。謂曰。何為。其。多。

垣曰。好名。孟子所不取。然求士於三代之上。惟恐其。

綱鑑易知錄

卷八

五

好名求士於三代之下。惟恐其不好名耳。因力請外。彌遠卒。乃名還。歷官吏部侍郎。至是授司業。諸生相慶以為得師。

綱庚子四年春正月。彗。見五卷見營室。綱臨安大饑。

綱蒙古張柔等分道入寇。綱二月。以孟珙為四川宣撫使。珙遂大興屯田。珙條具上疏事宜。遂拜四川

安撫使。知夔州。珙至鎮。招集散民為寧武軍。以降人

回鶻。愛里八都魯為飛鶻軍。尋兼夔州路制置

屯田調夫。築城。子歸。今湖廣荆尾漢

州府歸州。

南陽竹林
兩書院

口見四十卷八為屯二十為頃田百畝十八萬八千二百

八十。又創南陽竹林兩書院。以處襄漢四川流寓之

士。以李庭芝權施州見六一卷九建始縣。庭芝訓農治兵。

選壯士雜官軍教之。期年。民皆知戰守。善馳逐。無事。

則植戈而耕。敵至則悉出而戰。珙下其法於所部行

之。**綱**夏四月。召史嵩之還。**綱**以杜杲為沿江制置使。

知建康府**綱**秋九月。喬行簡罷。尋卒**綱**冬。閏十二月。李宗勉

卒。以游侶知樞密院事。徐榮叟簽書院事。范鍾參知

政事。

褒崇五賢
詔

綱辛丑淳祐元年春正月詔加周敦頤張載程顥程頤封爵與朱熹並從祀孔子廟庭黜王安石從祀

詔曰孔子之道自孟軻後不得其傳至我朝周敦頤

張載程顥程頤真見實踐深探聖域千載絕學始有

指歸中興以來又得朱熹精思明辨表裏渾融使大

學論孟中庸之書本末洞徹孔子之道益以大明於

世朕每觀五臣論著啓沃見八四良多今視學有日

其令學官列諸從祀以示崇獎之意尋以王安石謂

天命不足畏祖宗不足法人言不足恤見七二爲萬

卷三十七

世罪人。豈宜從祀孔子。其黜之。越二日。加封敦頤。

南伯載郿

眉。今陝西鳳翔府郿縣。

伯顯河南伯。頤伊陽伯。**綱**三

月。趙以夫罷。

秋八月。求遺書。

綱冬十一月。蒙古主

窩闊台卒。第六后乃馬真氏稱制。**目**窩闊台立十有

三年。卒年五十六。廟號太宗。初蒙古主有旨。以孫失

烈門為嗣。至是六皇后名耶律楚材問之。楚材曰。此

非外姓。臣所敢知。自有先帝遺詔。幸遵行之。后不從。

遂稱制於和林。

城名。本唐回鶻毗伽可汗故城。蒙古以為會同之所。端平二年。城之周圍

五里。

失烈門。蒙古主第四子曲出之子也。**綱**成都將

陳隆之舉
家數百口
死節

綱鑑易知錄

卷八

田世顯叛以城降蒙古制置使陳隆之死之。目塔海

部汪世顯等復入蜀進圍成都。見上卷末隆之守彌旬誓

與城存亡。部將田世顯潛送款於蒙古乘夜開門北

兵突入隆之舉家數百口皆死。檻同轡音咸上聲送

隆之至漢州。屬成都府命諭守臣王夔降隆之大呼曰大

丈夫死爾勿降也遂見殺漢州兵三千出戰城破盡

為蒙古所屠。綱十二月余天錫卒。綱蒙古使月里麻

思等來。議和也至淮上守將囚之。發行人所以通兩國之好國之安危繫

焉。今既囚之則是失交鄰之道。啓兩國之爭其不可也必矣。

壬寅二年春正月游侶罷以范鍾知樞密院事

趙葵同知院事別之傑簽書院事綱以徐榮叟參知

政事綱蒙古復寇蜀孟珙分兵禦之目蒙古也可那

顏耶律朱哥自京兆今陝西取道商今西安房今湖

陽府以趨三川西川東川漢川也○西川今四川成

房縣都府東川今四川潼川州漢川今陝

西漢中府遂攻瀘盧州屬四川孟珙遣一軍屯江陵今湖廣

江陵及鄂州今湖廣一軍屯沙市城名在荊州一軍

自江陵出襄今湖廣與諸軍會又遣一軍屯涪浮州

屬四川且下令應出戍恕主兵官不許失棄寸土權

孟珙分軍禦蒙古

孟珙軍法

姚樞棄官
隱蘇門

六君子

綱鑑易知錄

卷之十

開州

今四川夔州府開縣

梁棟以乏

糧還司

珙曰是棄城也斬

以徇

行示也

由是諸將稟命

惟謹

綱蒙古燕京行省郎

中姚樞棄官隱于蘇門目蒙古牙刺瓦赤在燕惟事

貨賂以樞為幕長

幕府之長

分及之樞一切

砌

拒絕因辭

職去攜家往輝州

今河南衛輝府輝縣

之蘇門

山名在輝縣西南

作家

廟別為室奉孔子及宋儒周

周子程

二程子張

張子

邵雍

邵子

司馬

司馬公光

六君子像刊小學四書并諸經傳

註以惠學者讀書鳴琴若將終身綱夏五月趙葵罷

綱六月徐榮叟罷以別之傑同知樞密院事高定

子簽書院事杜範同簽書院事。定子尋罷。**綱**秋七月。

蒙古兵渡淮入揚。今江南。揚州府。除和二州俱屬江南。**綱**冬十月。

蒙古陷通州。屬揚州府。屠其民。**綱**十二月。別之傑罷。

綱癸卯三年春二月。以余玠為四川制置使。**綱**初玠。

家貧落魄。得志貌。不無行。亡命。見二五。走揚州。上謁趙

葵。葵壯之。畱置幕府。見四一。俾帥舟師。沂素。逆流。

淮入河。抵汴。見三四。所向有功。累推淮東制置副使。

人對言。方今指即戎之士為麤人。斥為噲伍。韓信黜。後居常。

快快。羞與絳灌等。因過樊。願陛下視文武之士為一。

噲伍

余玠治蜀

勿令偏有所重。偏則必至於激。文武交激。非國之福。

帝曰。卿入物議論。皆不尋常。可獨當一面。乃授四川

宣諭使。至是加制置使。知重慶府。時蜀地殘破。兩川

東川無復紀律。遺民咸不聊生。監司戎帥各專號令。

西川擅辟壁舉也。守宰蕩無法度。蜀日益壞。玠至。大更耕弊。

政。遴客選守宰。築招賢館於府左。士之至者。玠不厭

接。隨其材而任之。遂於利利州今四川保閬閬州今保

寧城大獲山以護蜀口。蓬州屬四川城營山。渠州今順

慶府城大良平嘉定今四川城舊治瀘州見城神臂

渠縣

山其他因山爲壘。幕布星列。如臂使指。氣勢聯絡。屯
兵聚糧。爲必守計。民始有安土之心。綱三月。蒙古中
書令耶律楚材以憂卒。目乃馬真氏稱制。奧都剌
合蠻專政用事。權傾中外。后至以御寶空紙。使自書
填楚材諫。不聽。憤悵成疾而卒。或譖之曰。楚材爲相
二十年。天下貢賦半入其家。后命近臣覆視之。惟琴
玩十餘。及古今書畫金石遺文數千卷。楚材天資英
邁。負_迴出入表。正色立朝。不爲勢屈。每陳國家利病。
生民休戚。辭色懇切。蒙古太宗嘗曰。汝又欲爲百姓

耶律楚材
名言

哭邪。楚材每言興一利不若除一害。生一事不若減一事。人以為名言。至順元文宗初贈太師追封廣寧

王諡文正。

宋子貞曰元承大亂之後天綱入理幾乎泯絕加以南北之政每每相戾出入用事之臣又皆諸番降附言語不通趨向不同楚材以一書生孤立其間欲行其所學可謂難矣然見於設施者十不二三向使無楚材人類不知其何如耶

余玠城釣
魚山

綱余玠城釣魚山徙合州治之。**目**播州今四川冉璉

及弟璞俱有文武材隱居蠻中前後閫帥辟召皆

堅辭不至聞玠賢自詣府上謁玠待以上客璉璞居

畫地爲山川城池之

數月無所言。玠疑之。乃更開別館以處之。且日使人

窺其所爲。兄弟終日不言。惟對踞。據物而以坐。曰踞。惡。白土。

也。畫地爲山川城池之形。起則漫去。如是又旬日。請

見玠。屏丙人曰。某兄弟辱明公禮遇。思有以少裨悲

益爲今日西蜀之計。其在徙合州。屬重慶府。城乎。玠不覺

躍起。執其手曰。此玠志也。但未得其所耳。璡曰。蜀口

形勝之地。莫若釣魚山。在合州東。請徙諸此。若任得其人。

積粟以守之。賢於十萬師遠矣。玠大喜曰。玠固疑先

生非淺士。先生之謀。玠不敢掠以歸。已遂密以其謀

聞於朝請不次官之。詔璉權發遣合州。璞權通判。徙城之事。悉以任之。釣魚城成。蜀始可守。

綱甲辰四年春正月。以李鳴復參知政事。杜範同知

樞密院事。劉伯正簽書院事。範固辭。遂與鳴復俱罷。

目初。範爲殿中侍御史。嘗論鄭清之。李鳴復之過。不

行。卽棄官去。至是不屑與鳴復共政。上疏辭位而去。

帝遣使召還太學諸生。亦上書畱範。而斥鳴復。并斥

史嵩之。嵩之諷諫議大夫劉晉之。併論罷二人。**綱**三

月。以金淵簽書樞密院事。**綱**夏六月。賜禮部進士畱

夢炎及第

明綱目凡書賜及第分注或載其同榜之

不存是必同榜之人皆一時猥鄙而不足紀所上之

策或一時浮靡而不足錄耳不然綱目何以但書畱

夢炎及第分注皆削而不書哉厥後夢炎用事背國

降元則其素乏風節已可見於此矣此綱目書法之

深意也

綱以呂文德為淮西招撫使

秋九月詔起復

史嵩之將作監徐元杰

太學生黃愷伯等上書論

之不報

先是黃濤劉應起徐霖等俱上書論嵩之

深姦擅權帝不聽而論者益衆及其父彌忠疾亟嵩

之謁告

謁請也休假日告許之翌日彌忠卒詔嵩之起復徐

元杰上疏曰陛下為四海綱常之主大臣身任道揆

徐元杰諫起復史嵩

宋理宗

之

黃愷伯等
劾史嵩之

扶。翊。綱。常。自。聞。嵩。之。有。起。復。之。命。凡。有。父。母。之。心。者。
莫。不。失。聲。涕。零。是。果。何。爲。而。然。人。心。天。理。誰。實。無。之。
興。言。及。此。非。可。使。聞。於。鄰。國。也。臣。懇。懇。納。忠。何。敢。詆。
訐。特。爲。陛。下。愛。惜。民。彝。而。已。疏。出。嵩。之。憾。之。帝。不。聽。
於是太學生黃愷伯等百四十四人上書曰。嵩之心。
術。回。邪。蹤。跡。詭。祕。曩。者。開。督。府。以。和。議。墮。揮。將。士。心。
以。厚。貨。竊。宰。相。位。羅。天。下。之。小。人。爲。私。黨。奪。天。下。之。
利。權。歸。私。室。蓄。謀。積。慮。險。不。可。測。在。朝。廷。一。日。則。貽。
一。日。之。禍。一。歲。則。貽。一。歲。之。憂。萬。口。一。辭。惟。恐。其。去。

之不速。今蒿之不去。徘徊牽引。彌縫貴戚。實屬瑄當轉移上心。衷私御筆。必得起復之禮。然後從容就道。初不見其憂戚之容。大臣佐天子以孝治天下。孝不行於大臣。是率天下而爲無父之國矣。以法繩之。雖置之鈇鉞。猶不足謝天下。況復置之具瞻之位乎。武學生翁日善等六十七人。京學生劉時舉等九十四人。宗學生與蒙等三十四人。皆上書切諫。亦不報。時范鍾劉伯正領相事。惡京學生言事。謂皆遊士鼓倡之。詆京尹趙與籌。盡削遊士之籍。綱冬十月以

劉漢弼爲左司諫。史嵩之久擅國柄。帝亦患苦之。乃夜降御筆。黜四不才臺諫。於是諫議大夫劉晉之。侍御史王瓚。監察御史龔基先。胡清獻皆罷去。以漢弼爲左司諫。漢弼首贊帝曰。拔去陰邪。庶可轉危而安。否則是非不兩立。邪正不並進。陛下雖欲收名善類。不可得矣。帝嘉納之。綱十一月。詔史嵩之終喪。目徐元杰復上疏論嵩之起復。士論紛然。乞許其舉執政。自代。帝曰。學校雖是正論。但言之太甚。元杰對曰。正論乃國家元氣。今正論猶在學校。要當保養一綫。

杜範首止
五事

線之脈。因乞引去。左司諫劉漢弼亦上言。願聽嵩之
終事。亟選賢臣。早定相位。會嵩之亦自知不為衆論
所容。上疏乞終制。帝乃許之。綱十二月。以范鍾杜範
為左右丞相。並兼樞密使。圓範入相。首上五事。曰正
治本。謂政事當常出於中書。毋使旁蹊。奚得竊威福
曰肅宮闈。謂當嚴內外之限。使官府一體。曰擇人才。
謂當隨其所長用之。而久於職。毋徒守遷轉之常格。
曰惜名器。謂如文臣貼職。武臣閣蛤衛。不當為徇私
市恩之地。曰節財用。謂當自人主一身始。自宮掖始。

自貴近始考封禪

見八五卷四

國用出入之數而補室其

罅漏求鹽筴

策

精幣變

更之日而斟酌其利害仍今

早定國本以安人心

綱

以孟珙兼知江陵府

孟珙
江陵

江陵

今湖廣
荊州府

登城歎曰江陵所恃三海不知沮

疽去聲

如

如。水浸
下溼之地

有變為桑田者敵一鳴鞭即至城外蓋

自城以東古嶺先鋒直至三汊

喋去聲

無限隔乃脩復

內隘十有一別作十隘於外有距城數十里者沮

漳之水舊自城西入江因障而東之俾遶城北入於

漢而三海遂通為一隨其高下為渠蓄泄三百里間

泚然巨桴。匠木之工百七十萬。民不知役。因繪圖止之。

綱乙巳五年春正月。劉伯正罷。以李性傳簽書樞密院事。夏四月。右丞相兼樞密使杜範卒。**綱**六月。工部侍郎徐元杰暴卒。**目**史嵩之既去。元老舊德次第收召。杜範既入。相復延元杰議政。多所裨益。六月朔。元杰當侍立。先一日謁范鍾歸。是夕熱大作。夜四鼓。指爪忽裂以死。三學諸生相繼伏闕上言。青小人傾君子者。不過使之死於蠻烟瘴雨之鄉。今蠻烟瘴

蠻烟瘴雨
在朝廷

雨不在嶺海而在朝廷。詔付臨安府鞫治。常所給

使之人。獄迄無成。劉漢弼亦每以姦邪未盡屏

丙汰

爲慮。未幾以腫疾暴死。太學生蔡德潤等百七十有

三人。復叩閭上書訟寃。詔給元杰漢弼官田五百畝。

緡民也。

錢五千恤其家。時杜範入相八十日卒。元

杰漢弼相繼暴死。時謂諸公皆中毒。堂食無敢下筯

住

者。初嵩之從子璟卿嘗上書諫嵩之曰。久開督府

所成何功。東南民力困於征輸。州縣匱於應辦。誠恐

禍起蕭牆。危如朝露。爲今之計。莫若盡去在幕

莫之

華小悉召在野之君子相與改絃易轍戮力也并力王

事以收桑榆見二十卷六之功言甚切至居無何璟卿暴

卒相傳亦嵩之致毒云綱冬十一月以陳韓同簽書

樞密院事十二月以游侶為右丞相兼樞密使趙

葵知樞密院事李性傳同知院事性傳尋罷

綱丙午六年蒙古定宗貴由元年春正月朔日食綱二月范鍾

罷夏六月以陳韓參知政事綱秋七月蒙古主貴

由立貴由太宗長子母六皇后臨朝四年至是會諸王百官議立貴由乃即位於汪吉宿滅禿里之

地朝政猶出於后綱九月寧武節度使漢東公孟珙卒以賈

似道為京湖制置使。珙忠君體國之念，可貫金石。

在軍中，參佐部曲見十三卷論事，言人人殊。珙徐以

片言折衷，眾志皆愜。謁士遊客，老校退卒，一以恩意

撫接，名位雖重，惟建旗鼓臨將士，面色凜然，無敢涕

唾者。退則掃地焚香，隱几危坐，若蕭然事外。遠貨色，

絕滋味，尤遂歲於易學，累贈太師，追封吉國公，諡忠

襄。史稱珙忠君體國之念，可貫金石，故卒而具其

襄湖宋室之根本

誠宜擇人以制置也。今乃以落魄無羈不學無術之
似道為之，多見其不勝任也。故下書蒙古寇京湖江
淮之境，此
其驗耳。
綱冬十二月，詔史嵩之致仕。嵩之服除，有
嚮用之意，臺

諫及翰林學士李韶等論之遂命致仕。**綱**蒙古寇京湖江淮之境。

綱丁未七年夏四月以王伯大簽書樞密院事吳潛

同簽書院事游侶罷以鄭清之為太傅右丞相

兼樞密使。**綱**以趙葵為樞密使督視江淮京湖軍馬

陳韓知樞密院事湖南安撫大使。葵兼知建康府韓兼知潭州

綱戊申八年春三月蒙古主貴由卒后幹脫入聲元立

海迷失稱制。**綱**貴由年四十三卒廟號定宗皇后幹

元立海迷失抱曲出子失烈門見止聽政諸王大臣

皆不服。**綱**秋七月王伯大罷。

綱己酉九年春閏二月以鄭清之爲太師左丞相趙

葵爲右丞相並兼樞密使應繇由謝方叔參知政事

史宅之同知樞密院事夏五月陳韓罷冬十一

月應繇罷十二月以吳潛同知樞密院事徐清叟

簽書院事史宅之卒

綱庚戌十年春三月以賈似道爲兩淮制置大使李

曾伯爲京湖制置使似道兼知揚州曾伯知江陵府**綱**趙葵罷**口**言

者論葵非由科目進且曰宰相須用讀書人葵因力

辭其表有云霍光不學無術每思張詠之語

見六十六卷十五

以自慚。后稷所讀何書。敢以趙抃仁宗朝賢相之言而自

解。帝不得已。授醴泉觀使兼侍讀。復固辭。乃以觀文

殿大學士判潭州。今湖廣長沙府。冬。余玠出兵至興元而

還。玠帥蜀。慷慨自許。數年之間。邊境稍息。寢以驕

恣。而鄭清之再相。因從縱與勇。獎勵也。其進兵。於是一

意出師。雖有小捷。至興元。今陝西漢中府。遇蒙古將汪德臣

鄭鼎。無功而還。

辛亥十一年。蒙古憲宗蒙哥元年。夏六月。蒙古主蒙哥立。

初定宗卒。久未立君。中外洶洶。至是諸王木哥及大

將兀良合台等咸會議所立時定宗后所遣使者在

坐曰昔太宗命以皇孫失烈門為嗣諸王百官皆與

聞之今失烈門故在而議欲他屬祝將置之何地邪

兀良合台等不聽共推蒙哥即位於闊帖兀阿蘭之

地追尊其考拖雷見上卷為帝廟號睿宗失烈門及

諸弟心不能平蒙哥因察諸王有異同者並羈縻見

入卷之取主謀者誅之遂頒便宜事於國中罷不急

之役兀諸王大臣濫發牌印詔旨宣命盡收之政始

歸一兀良合台速不臺見上卷之子也綱秋七月蒙

古主命其弟忽必烈總治漠南開府金蓮川。詔凡

軍民在漠南

見十七卷一

者聽忽必烈總之。遂開府於金

蓮川。時姚樞隱居蘇門。

見上

忽必烈遣趙璧召之。樞

至大喜。待以客禮。樞乃爲書數千言上之。首陳帝王之道。與治國平天下之大經。彙爲八目。曰脩身。力學。尊賢。親親。畏天。愛民。好善。遠佞。次及救時之弊。爲條三十。忽必烈奇其才。動必名問。樞因言於忽必烈曰。今土地人民財賦皆在漠地。王若盡有之。則天子何爲。後必有閒諫之者矣。不若惟持兵權。凡事付之有

司則勢順理安忽必烈從之綱冬十一月鄭清之卒

綱以謝方叔為左丞相吳潛為右丞相並兼樞密使

綱以徐清叟參知政事董槐簽書樞密院事綱蒙古

忽必烈置經略司于汴分兵屯田綱忽必烈從姚樞

之請置經略司於汴見上卷以忙哥史天澤楊惟中

趙壁為使俾屯田唐鄧見同上等州授之兵牛敵至則

戰退則耕姚樞諫行言聽足以慰其行綱蒙古號

西域僧那摩為國師

綱壬子十二年春二月蒙古主蒙再徙諸王于邊殺

姚樞失出處節義

定宗后斡兀立海迷失竄失烈門于沒脫赤。綱夏六

月。聞浙大水。綱蒙古分漢地封宗屬。目蒙古主以中

州封同姓。命弟忽必烈於汴京。金南京。今河南開封府。關中今陝

西安府。自擇其一。姚樞曰。南京河徙無常。土薄水淺。不

若關中。忽必烈遂請於蒙古主。蒙古主曰。關中戶寡

河南懷孟。見六四。卷七。地狹民夥。胡果反。多也。可取自益。由是

盡有關中河南之地。

綱癸丑。寶祐元年春正月。詔以與芮子祺。其為皇子。

封末嘉郡王。目帝在位歲久無子。羣臣屢以為言。至

是乃下詔以母弟嗣榮王與芮

見入五卷末

子孜為皇子

賜名禪封永嘉郡王。明年進封忠王。綱夏五月召余

玠還。六月以余晦為四川宣諭使。初利州見上都

統王夔素殘悍。號王夜叉恃功驕恣。桀驁不受節度

所至劫掠蜀人苦之。玠至嘉定見同夔帥所部兵迎

謁。班聲如雷。江水為沸。旗幟精明。舟中皆戰掉

調上聲。四失色。而玠自若也。徐命吏班賞。夔退謂

人曰。儒者乃有此人。玠久欲誅夔。獨患其握重兵。居

外。謀於親將楊成。成曰。今縱弗誅。養成其勢。後一舉

此八
儒者乃有

命玠斬王

足。西蜀危矣。玠意遂決。夜召夔計事。潛以成代領其衆。夔纔離營。而新將以單騎入矣。夔至。玠斬之。會戎州帥欲舉統制姚世安爲代。玠素欲革軍中舉代之弊。以三千騎至雲頂山下。遣都統金某往代世安。世安閉關不納。而世安素結丞相謝方叔子姓。至是求援於方叔。方叔遂倡言玠失戎伍心。帝惑之。世安乃與玠抗。玠鬱鬱不樂。玠專制西蜀。凡有奏疏。詞氣不謹。帝不能平。會徐清叟入對。語及玠。因言玠不知事君之禮。陛下何不出其不意而召之。帝不答。清叟曰。

陛下豈以玠握大權。召之或不至邪。臣度鐸玠素失

士心。必不敢帝然之。乃以資政殿學士召。而以知鄂

州見上。余晦為宣諭使。**綱**秋七月。資政殿學士余玠

余玠蜀之長城

暴卒。

玠聞召不自安。一夕暴疾卒。或謂仰藥死。蜀人莫不悲之。園余玠者蜀之長城也。玠卒之後。

蜀豈復為宋有哉。

綱八月。以余晦為四川制置使。

綱甲寅二年夏六月。詔籍余玠家財。**目**侍御史吳燧

等論故蜀帥余玠聚斂罔利七罪。玠死。其子如孫盡

竊帑庾之積。悉以歸。詔簿錄玠家財。以犒師賑邊。如

孫遂認錢三十萬。徵之累年始足。

綱玠立功蜀。不為少矣。使玠誠

有私藏亦當付之八議。況無平籍之非義也。分注微
之累年。則其子冒認明矣。理宗於國勢日促之際。而
待功臣如此。則凡欲立功者。**綱**加賈似道同知樞密
孰不爲之解體哉。此舉失矣。**綱**院事。**綱**名余晦還。閏月。以李曾伯爲四川宣撫使。置
司夔州。**目**初晦制下。徐清叟奏曰。朝廷命令不甚行
於西蜀者。十有二年。今者天斃余玠。乃陛下大有爲
之機也。今以素無行檢輕儇暄浮薄不堪任重余晦
者當之。臣恐五十四州軍民不特望而輕鄙之。夷狄
聞之。亦且竊笑中國之無人矣。乞收回所除。內批。帝
不聽。及晦在蜀。屢敗邊事。日急。帝乃召晦還。董槐上

疏請行且請頓重兵置司夔州

見上

以固荆蜀輔車

之勢

左傳僖公五年輔車相依注輔頰輔車牙車

帝以槐言事無隱方嚮

用之不許而以李曾伯代晦

綱秋九月殺利州

見上

路安撫使王惟忠目惟忠以余晦鎮蜀心輕之呼其

小字曰余再五來也晦怒誣奏惟忠潛通北國詔下

血上流而色不變

大理獄勘官陳大方燬成其事遂斬於市血上流而

色不變且謂大方曰吾死訴於天未幾大方亦死綱

冬十一月蒙古忽必烈以廉希憲為京兆宣撫使目

希憲畏元人少入侍忽必烈篤好經書一日方讀孟

三子

子。聞。名。因。懷。以。進。忽。必。烈。問。其。說。希。憲。以。性。善。義。利。仁。暴。之。旨。為。對。忽。必。烈。善。之。目。為。廉。孟。子。又。一。日。與。諸。貴。人。較。角射。連。發。三。中。衆。驚。歎。曰。真。文。武。材。也。忽。必。烈。以。京。兆。即。關。中。見。上。分。地。置。宣。撫。司。命。希。憲。為。使。京。兆。控。制。隴。蜀。諸。王。貴。藩。分。布。左。右。民。雜。戎。羌。尤。號。難。治。希。憲。講。求。民。病。抑。強。扶。弱。境。內。大。安。

正月迅雷

綱乙卯三年春正月迅雷罷元夕張燈從起居郎牟子才之言也

綱二月蒙古忽必烈徵許衡為京兆提學衡懷慶

今河南河內今懷慶府人幼有異質七歲入學授章

書疏義

易王弼說

句問其師曰讀書何爲師曰取科第耳曰如此而已乎師大奇之謂衡父母曰兒穎悟非常他日必有過人者吾非其師也遂辭去稍長嗜學如飢渴然遭世亂且貧無書嘗從日者十筮之人得書疏義避難徂徠山得易王弼說夜思晝誦言動必揆諸義旣而亂少定往來河洛間從柳城故城在直隸永平府西姚樞得程朱氏書益大有得尋居蘇門見上與樞及竇默相講習慨然以道自任嘗語去聲人曰綱常不可一日亡於天下苟在上者無以任之則在下之任也凡喪祭娶嫁必徵

序之序
月小學入

於禮以倡其鄉人學者寢浸盛衡嘗語之曰進學之

序必當棄前日章句之習從事於小學因悉取向來

簡帙焚之使無大小皆自小學入是時秦人新脫於

兵欲學無師聞衡來人人莫不嘉幸於是郡縣皆建

學民大化之綱三月以王埜野簽書樞密院綱兩土

綱夏五月四川地震閩浙大水綱六月以丁大全為

右司諫綱大全鎮江今江南人面藍色為戚里婢壻

賁寅緣閤妣及內侍盧允升董宋臣遂得寵於帝自

蕭山今浙江紹興尉累拜右司諫時正言陳大方侍

宋理宗

三不吠犬

御史胡大昌與大全同除人目為三不吠犬。**綱**罷監

察御史洪天錫秋七月謝方叔徐清叟免。天錫以言事忤宦官

董宋臣盧允升故罷遂及方叔清叟**綱**八月王埜罷。**綱**以董槐為右丞

相兼樞密使程元鳳簽書樞密院事蔡抗同簽書院

事。抗處士元定之孫也

綱丙辰四年春三月以蒲擇之為四川制置使置司

重慶。今四川重慶府**綱**夏四月加賈似道參知政事。**綱**五月

賜禮部進士文天祥及第。**綱**天祥以法天不息為對

其言萬餘帝親拔為第一考官王應麟奏曰是卷古

天祥為

若龜鑑忠肝如鐵石臣敢爲得人賀。六月丁大
全逐右丞相董槐。詔罷槐提舉洞霄宮。竄太學生陳
宜中等于遠州。槐自以爲人主所振拔。苟可以利
安國家者。無不爲。時帝年寢高。操柄獨斷。羣臣無當
意者。漸喜狎佞人。丁大全方諂事內嬖。竊弄威權。帝
弗覺悟。大全嘗遣客私於槐。槐曰。吾聞人臣無私交。
吾惟事上。不敢私結約。幸爲謝丁君。大全度鐸槐終
不容已。乃日夜刻求槐短。槐入對。極言大全邪佞。不
可近。大全益怨之。乃上章劾槐。章未下。大全夜半以

臺檄

吸調

偶兵百餘入露刃圍槐第驅迫之出而罷

相之制始下物論殊駭三學生屢上書言之乃詔槐

以觀文殿大學士提舉洞霄宮大全既逐槐益恣橫

用事道路以目太學生陳宜中黃鏞林則祖曾唯劉

黻陳宗六人上書攻之大全怒使御史吳衍劾之削

其籍編管遠州立碑三學戒諸生勿得妄議國政士

論翕然稱宜中等號為六君子綱秋七月以程元鳳

為右丞相兼樞密使蔡抗參知政事張礪盤簽書樞

密院事綱九月監察御史朱熠揖乞汰冗冗本吏不

言境土蹙而賦斂日繁官吏增而調度日廣

景德

真宗年號

慶曆

仁宗年號

時以

三百二十餘郡之財賦供

一萬餘員之俸祿今日以一百餘郡之事力贍二萬

四千餘員之冗官邊郡則有科降支移內地則欠經

常納解欲寬民力必汰冗員帝嘉之而不能用

綱冬

十一月以張礪同知樞密院事丁大全簽書院事馬

天驥同簽書院事時閣妃怙寵大全天驥用事有

無名子書八字於朝門曰閣馬丁當國勢將亡**綱**蔡

抗罷

八字書朝

綱丁巳五年春正月加賈似道知樞密院事召吳淵

參知政事淵未至

淵自荆湖制置使召還未至

綱蒙古罷忽必

烈開府命阿蘭答兒行省事于京兆**目**或讒忽必烈

得中土心蒙古主遣阿蘭答兒行省事於京兆

見上二三

桃樞遠識

劉太平佐之忽必烈聞之不樂姚樞曰帝君也大王

為皇弟臣也事難與較遠將受禍莫若盡王邸妃主

自歸朝廷為久居謀疑將自釋及忽必烈見蒙古主

皆泣下竟不令有所白而止**綱**夏六月馬天驥罷**綱**

秋八月蒙古主蒙哥分道入寇以其少弟阿里不哥

守和林。見上

綱冬。張礪卒。以林存簽書樞密院事。

戊午六年春正月。以丁大全參知政事。**綱**二月。以

馬光祖為京湖制置使。**綱**光祖為沿江制置使。壁舉也。

召僚屬皆極一時之選。至是移鎮江陵。今湖廣荊州府。以汪

立信呂文德王登王鑑為參議官。**綱**夏四月。程元鳳

罷。以丁大全為右丞相兼樞密使。**綱**秋九月。蒙古主

蒙哥入劍門。見三三卷十七。冬十一月。陷鵝頂堡。諸城。**綱**林

存罷。以賈似道為樞密使。兩淮宣撫使。**綱**十二月。

詔馬光祖等進軍歸峽州以援蜀。**綱**詔光祖移司峽

州今湖廣荊州府夷陵州

六郡鎮撫向士璧移司給慶

今四川重慶府

彭水縣

士璧遂進師歸州

屬荊州府

與光祖迎戰房州

即房縣見

上蒙古少却

綱蒙古主蒙哥入閬州

見上

守將楊大

淵以城降

綱已未開慶元年春正月以賈似道為京湖南北四

川宣撫大使

移馬光祖為沿江制置使史巖之副之似道尋兼督江西二廣人馬

綱二

月蒙古主蒙哥圍合州

屬重慶府

王堅力戰禦之

綱三月

以呂文德為四川制置副使夏六月文德及蒙古史

天澤戰于嘉陵江

在合

敗績

綱以朱熠參知政事饒

臣同知樞密院事綱秋七月蒙古主蒙哥卒于合

州城下餘衆解圍北還王堅固守蒙古主督諸軍

攻之屢戰不克前鋒將汪德臣選兵夜登外城堅率

兵逆戰遲明

猶黎明也

德臣單騎大呼曰王堅我來活汝

一城軍民宜早降語未既幾爲飛石所中因得疾死

會天大雨攻城梯折後軍不克進俱退蒙古主亦卒

於合州城下年五十二諸王大臣用二驢蒙以繪櫓

位。櫓小棺也

負之北行合州圍解捷聞詔加堅寧遠軍節

度使綱八月蒙古忽必烈將兵渡淮九月渡江遂圍

陳元桂死節

綱鑑易知錄

卷八

二

鄂州

今湖廣武昌府

綱以戴慶炯

可

簽書樞密院事

綱蒙古

陷臨江

今江西臨江府

知軍事陳元桂死之。蒙古遂入瑞州

今江西瑞州府

綱詔諸路出師以禦蒙古。大出內府銀幣犒

師

綱冬十月丁大全有罪免

時蒙古侵軼日甚大全當國匿不以聞遂罷相

綱以吳潛為左丞相兼樞密使。潛既相首言鄂渚

被兵湖南擾動推原禍根由近年姦臣憊

纖士設為

虛議迷國誤君。仁賢空虛名節喪敗。天怒而陛下不

知。人怨而陛下不察。稔成兵戈之禍。章鑑高鑄嘗與

丁大全同官。傾心附麗。躡躑要途。蕭泰來等羣小尊

○詩小雅。噂沓背憎。言噂噂。國事日非。浸淫。

至於今日。沈炎實其爪牙。而任臺臣。甘為搏擊。姦黨。

盤據。血脈貫穿。以欺陛下。致危亂。望令炎等與祠。鑄。

等羈。雞。管州軍。帝不聽。綱。卽就拜賈似道右丞相兼。

樞密使。軍漢陽。今湖廣漢陽也以援鄂。綱以趙葵為江東西。

宣撫使。綱十一月詔賈似道移軍黃州。見上綱閏月。

以呂文德知鄂州。向士璧知潭州。今湖廣長沙府時蒙古元良合台圍

曹似道乞和于蒙古

州。綱賈似道乞和于蒙古。忽必烈引還。鄂州圍解。目。

蒙古攻城益急。似道大懼。乃密遣宋京詣蒙古營。請。

稱臣納幣。忽必烈不許。會合州守臣王堅使阮思聰走鄂。以蒙古主計聞。似道再遣京往請稱臣。割江南爲界。歲奉銀絹匹兩各二十萬。忽必烈亦聞阿藍荅兒等謀立阿里不哥。乃許之。遂拔砦而去。遣張傑聞旺以偏師候湖南元良合台之兵。綱十二月蒙古元良合台引兵趨湖北。潭州圍解。

綱庚申景定元年。

蒙古世祖皇帝忽必烈中統元年。

春二月蒙古元

良合台至鄂州。引還。賈似道使夏貴等殺其殿聲顛去。

軍後卒于新生磯。綱三月賈似道奏諸路大捷。名似

日與

賈賊爲國
招敵

道還朝。臣似道匿議和稱臣納幣之事以所殺僞俘卒殷兵上表言諸路大捷鄂圍始解江漢肅清宗社危而復安實萬世無疆之休帝以似道有再造功名入朝。

雲間張氏曰嗚呼不能爲國禦敵而能爲國招敵者賈賊也抑觀賈賊自移鎮以來蒙蔽朝廷屢以退賊邀功爲言其計不亦奸乎夫何朝廷昏闇卒是其言而賞之也觀其於蒙古之兵畏之如虎一聞其至則心戰股栗恨無地以容身適會蒙古自有他故而班師則潛窺其遠去或殺其殿兵或殘其俘卒掠爲己功以聞於朝而其稱臣納幣之恥則匿而不聞焉是以蒙古之心以爲向旣納幣稱臣以求和今又殺俘我軍士是何詭譎而轉展無信邪故蒙古加兵之心

愈堅而宋人之國愈不可為也已故曰予能為國禦敵而能為國招敵者賈賊也

綱白氣如匹練亙天明發徽宗之時書赤氣亙天此書

自氣如匹練亙天

也觀綱目之所書始可以**註音**徽宗見七**綱**夏四月蒙

古主忽必烈立**目**忽必烈北還時諸王合丹莫哥塔

察兒俱會於開平寶祐四年九月蒙古主蒙哥欲建

以劉秉忠薦因命相宅秉忠以相州東灤水旭烈見

北之龍岡為吉詔秉忠營之命日開平府

五卷十亦自西域遣使勸進勸勉進上惟阿里不哥同

不至廉希憲趙良弼及商挺等力言先發制人後

發人制逆順安危閒不容髮宜早大計忽必烈然

失此無以
自立於世

之。遂即位。建元中。統綱蒙古名實。默許衡至開平。

默。肥鄉。

今直隸廣平府肥鄉縣

人。金末。避亂轉徙。隱於大名。

今直

隸大名府

與姚樞許衡朝暮講習。至忘寢食。蒙古主

在潛邸。

王邸也。邸見四入卷四

嘗召之。默變姓名以自晦。使者

俾其友人往見之。微服踵其後。默不得已。乃拜命。既

至。問以治道。默首以綱常為對。且曰。失此。則無以自

立於世矣。又言帝王之道。在誠意正心。心既正。則朝

廷遠近。莫敢不一於正。蒙古主敬待加禮。久之。南還。

至是。復與衡同名。綱吳潛罷。目初賈似道在漢陽。上見

以潛移之黃州。見上。為欲殺已。銜。憾也。之。至是帝欲立

忠王禕。見上。為太子。潛密奏云。臣無彌遠之才。史補。遠。矯。

詔立理宗。廢皇子。茲為濟王。尋殺之。忠王無陛下之福。帝遂積怒潛。似

道因陳建儲之策。令侍御史沈炎劾奏。且云。忠王之

立。人心所屬。祝。潛獨不然。章汝鈞乞為濟王立後。潛

樂聞其論。授汝鈞正字。姦謀叵。頗。不。測。請速召賈

似道正位鼎軸。猶言鈞軸樞軸。帝從之。遂罷潛奉祠。

吳潛忠亮
剛直

史臣曰。吳潛忠亮剛直。論事雖近於計度宗之
立。謀議及之。潛以正對。入臣懷願望為子孫地
者。能為斯言哉。

綱加賈似道少師封衛國公將士進官有差雌目似

道既至詔百官郊勞去聲如文彥博故事獎眷甚至諸

將士悉進官呂文德檢校少傅高達寧江軍承宣使

劉整知瀘州兼潼川安撫副使夏貴知淮安州兼京

東招撫使孫虎臣和州防禦使范文虎黃州武定諸

軍都統制向士璧曹世雄各加轉有差初似道惡達

在軍中嘗侮已言於帝欲殺之帝知其有功不從故

論功以文德為第一而達居其次似道既相權傾中

外進用羣小變更法制矣綱蒙古初定官制鐵木真

蒙古初定官制

已來諸事草創設官甚簡以斷事官為至重之位三公上丞相謂之太必閣赤掌兵柄則左右萬戶而已後稍倣金制置行省及元帥宜撫等官忽必烈既立大新制作遂命劉秉忠許衡酌古今之宜定內外官制其總政務者曰中書省秉兵柄者曰樞密院司黜陟者曰御史臺其次內則有寺監院司衛府外則有行省行臺宣慰廉訪其牧民則有路府州縣官有常職位有常員食有常祿其長則蒙古人為之而漢人南人貳焉於是註音關音一代之制始備都以饒虎臣參知政事戴

慶炯同知樞密院事皮龍榮簽書院事蒙古以廉

希憲為陝西四川宣撫使商挺副之綱蒙古阿里不哥稱

帝于和林見上綱五月饒虎臣罷戴慶炯卒以沈

炎同簽書樞密院事綱蒙古以王鶚諱為翰林學士

承旨。[目]鶚。金正。大金哀宗號元年進士第一人。歷官

尚書左右司郎中。金亡。將被殺。張柔聞其名。救之。館

于保州。今直隸保定府蒙古主在藩邸。名對甚禮重之。至是

為翰林學士承旨。制誥典章皆所裁定。又薦李冶。李

昶。唱王磐。徐世隆。高鳴。為學士。復奏立十道提舉學

校官。蒙古主皆從之。[綱]癸。惑入南斗。見三八卷十四[目]畱五

十餘日。[綱]六月立忠王。禪為皇太子。[目]帝家教甚嚴。

太子雞初鳴。問安。再鳴。回宮。三鳴。往會議所。參決庶

事。退入講堂。講經史。將晡。補平聲復至榻前起居。問

斗
癸惑入南
理宗家教
甚嚴

賈似道幽

郝經

廖瑩中撰

福華編

今日講何經答之是則賜坐賜茶否則爲之反覆剖析又不通則繼以怒明日須更覆請率爲常例綱秋七月蒙古使翰林侍讀學士郝瑩經來脩好去聲賈似道幽之眞州目似道還朝使其客廖瑩中輩撰福華編稱頌鄂功通國皆不知所謂和也蒙古主旣立欲來脩好以郝經爲翰林侍讀學士充國信使來告卽位且徵前日請和之議似道恐經至謀泄竟拘畱於眞州今江南揚州府儀眞縣之忠勇軍營經上表曰願附魯連之義排難解紛豈知唐儉之徒款兵誤國又數朔土

書於帝及執政極陳和戰利害。且請入見。及歸國。皆
不報。驛吏棘垣鑰戶。晝夜守邏。羅去聲。巡也。欲以動經。經
不屈。但語其下曰。死生進退。聽其在彼。屈身辱命。我
終不能。汝等不幸。宜忍死以待。揆之天時。人事。宋祚
殆不遠矣。蒙古遣詳問官崔明道詣淮東制司訪問。
經等所在。仍以稽留信使。侵擾疆場來詰。淮東制置
李庭芝奏蒙古使者久留真州不報。廣義。蒙古遣使以
善矣。賈賊不虞宋之將亡。危如朝露。反拘其行人。果
何義哉。噫。南宋之亡也。壘宗啓之。而賈賊促之也。於
蒙古乎。何尤。**綱**以賈似道兼太子太師。冬十二月。蒙古

號西僧入思巴為國師

太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

西僧入思巴為國師 太子太師 第十二回

尺木堂綱鑑易知錄卷八

周之炯靜專

綱目續編定本

山陰吳乘權楚材同輯

周之燦星若

南宋紀

理宗皇帝

綱辛酉二年

蒙古中統二年

春正月詔皇太子釋奠孔子加

張栻呂祖謙伯

並從祀

皇帝手詔曰虎闥

國子監也齒

胄

王制凡入學以齒胄胄子也

太子事也此禮廢久矣如釋奠

見四

綱鑑易知錄

卷八

宋理宗

一

二卷釋菜

文王世子始立學者既興器用幣然後釋菜謂立學之初既興禮樂之器即用幣於

先聖先師以告此器之成繼又釋菜以告此器之將用也菜蘋藻之屬之事我朝俱未

嘗廢然享師敬道文不可拘舊制可令太子謁拜太

子既還上奏曰先聖之道至我朝而後有以續孟氏

之傳然諸說並駕未知統一迨朱熹張栻呂祖謙志

同道合切思講磨擇精語詳開牖後學人心一正聖

道大明今熹已秩從祀而栻祖謙尚未奉明詔臣竊

望焉帝從之遂封栻華陽伯祖謙開封伯並列從祀

綱二月朱熠罷夏四月以皮龍榮參知政事沈炎

入心二正
聖蹟大明

同知樞密院事。何夢然簽書院事。以俞興為四川

制置使。蒙古聽儒士被俘。見上卷二者贖為民。**綱**五月

蒙古以史天澤為中書右丞相。**綱**蒙古以姚枢為太

子太師。竇默為太子太傅。許衡為太子太保。皆辭不

拜。衡等言太子未立。豈宜虛設官稱。乃改授樞大司農。默仍侍講學士。衡國子祭酒。未幾衡稱疾還懷

孟 **綱**六月。潼川。今四川安撫副使劉整以瀘州。屬四川

叛降蒙古。制置司參謀官許彪孫死之。**綱**初賈似道

之出督也。嘗憾高達。曹世雄之輕已。令呂文德招均

聲。撫職。拾其罪。逼世雄死。達亦廢棄。整聞之懼。會

許彪孫死

俞興帥蜀。整素與興有隙。而似道方會贈計邊費。興

遣吏下整。整訴於朝。不得達。心益不安。遂籍瀘州十

五郡戶三十萬。降於蒙古。蒙古以整為夔今四川夔州府路

行省。兼安撫使。整驍將也。蒙古既得之。由是盡得國

事虛實。而似道不以為虞。整之將叛也。命制置司參

謀官許彪孫草表。彪孫不屈。合門仰藥仰首而死。飲藥也。

許彪孫不
草降表

雲間張氏曰。劉整之叛。信有罪矣。然原其所自。亦非其本心也。乃似道追之也。嗚呼。似道驅良將以資敵人。是猶撤藩籬以延盜入室也。欲求貨資之。不喪得乎。

綱秋七月。竄吳潛于循州。

今廣東惠州府。

綱

八月。俞興討劉

整敗績。詔罷與。以呂文德兼四川宣撫使。以江萬

里同簽書樞密院事。**綱**賈似道殺湖南制置副使向

士璧。**目**先是賈似道忌功。欲污蠟滅。蠟亦污也。一時閹臣

且怨士璧。嘗侮已。諷侍御史孫附鳳等劾罷之。送漳

州。今福建安置。又遣官會計邊費。於是趙葵見上卷

史巖之見上卷等皆坐侵盜掩匿。罷官徵償。而士璧

所費尤多。至是逮見上卷。至行部責償。幕屬幕府僚屬方

元善者。極意逢迎。似道意。士璧坐是死。復拘其妻妾

徵之。潭見同人人聞之。有垂涕者。信州今江西謝枋得

同監易口錄 卷八 宋理宗 三

以趙葵檄

吸文也移

給錢粟募民兵守禦及會計者至

信枋得曰不可以累宣撫自償萬緡

民錢也

餘不能

謝枋得上書賈似道

辦乃上書似道有云千金而募徙木將取信於市人

見五卷

二卯而棄千城豈可聞於鄰國

見五卷

遂得

免徵餘者似道又忌王堅

見上卷

出知和州

屬江南

堅

鬱鬱而卒

綱

冬十月沈炎罷

蒙古主忽必烈擊阿

里不哥于昔木土敗走之十二月以何夢然參知

政事馬光祖知樞密院事兼知臨安府江萬里罷

綱壬戌三年

蒙古中統三年

春正月賜賈似道第宅家廟

賜緡

方國紀事卷八

呂文德復瀘州。劉整率所部

入朝於蒙古。文德遂入瀘州。詔改為江安軍。蒙古

脩孔子廟。二月。皮龍榮罷。龍榮伉直不肯降志於賈似道故罷臨安

餒。詔賑卹貧民。時馬光祖知榮王與芮府有積粟

三往見之。王以他辭。光祖乃臥于客次。王不得已見

焉。光祖厲聲曰。天下誰不知儲君為大王子。今民飢

欲死。不以此時收人心乎。王以廩虛辭。光祖探懷中

出片紙曰。某莊某倉若干。王語塞。遂許以三十萬。光

祖遣吏分給。活飢民甚衆。蒙古江淮大都督李璫

馬光祖請
榮王發粟

炭以京東來歸。詔封壇為齊郡王。復其父全官爵。三

月。蒙古殺王文統。壇自忽必烈即位。便有南歸之

志。至是召其子彥簡於開平。見上卷脩築濟南。今山東濟

南益都。今山東青州府益都縣等城壁。遂以漣。漣水。今江西南淮

海。今淮安府海州三城來歸。獻京東郡縣。請贖父過。李全。見八六卷

十。詔授壇保信寧武軍節度使。督視京東河北路軍

馬。封齊郡王。改漣水為安東州。蒙古王文統使其子

堯饒通好。去聲於壇事。覺被誅。綱以孫附鳳簽書樞密

院事。夏五月。馬光祖罷。蒙古史天澤圍李壇于

濟南六月遣提刑青陽夢炎將兵救之。不至而還。夢

至山東不敢進而還。綱封陳光曷炳為安南王。陳日熈傳位於其子光曷遣使

來告且貢象二詔封光曷為安南王。加日熈為安南

大王。然光曷實遣人請降於蒙古。蒙古亦加封而。

日熈見八綱故相吳潛暴卒于循州。賈以道使劉宗

六卷二八綱也。以楊棟同簽書樞密院事。秋八月蒙古陷濟

南李壇死之。蒙古以董文炳為山東經略使。九月

蒙古以阿木為征南都元帥。綱冬十月以楊棟簽書

樞密院事。葉夢鼎同簽書院事。蒙古命阿合馬領

中書左右部專理財賦。綱十一月竄丁大全于新州。

李壇死節

今廣東肇慶府新興縣道死。

綱癸亥四年。

蒙古中統四年

春正月。蒙古以姚樞為中書左

丞。

綱二月。詔買公田置官領之。罷翰林學士徐經孫。

買公田

買似道以國計困於造楮。

以楮作幣

富民困於和糴。思

有以變法而未得其說。知臨安府劉良貴。浙西

治杭州府

轉運使吳勢卿獻買公田之策。似道乃命殿中侍御

史陳堯道。右正言曹孝慶。監察御史虞忠。張希顏。上

疏言。三邊屯列。非食不飽。諸路和糴。非楮不行。既未

免於廩兵。則和糴所宜廣圖。既不免於和糴。則楮幣

徐經孫條
具公田之

未容縮造。爲今日計。欲便國便民。而辦軍食。重楮價。者。莫若行祖宗限田之制。以官品計頃。以品格計數。下兩浙江東西和糴去處。先行歸併詭析。後將官戶田產逾限之數。抽三分之一。回買以充公田。但得一千萬畝之田。則每歲可收六七百萬石之米。其餘軍餉沛然有餘。可免和糴。可以餉軍。可以住造楮幣。可平物價。可安富室。一事行而五利興矣。帝從之。詔買公田。置官田所。以劉良貴提領。通判陳言銀爲簡閱副之。良貴請下都省。嚴立賞罰。究歸併之弊。獨徐經

書

陳茂濂不負徐公

孫條具其害。似道諷御史舒有開劾之。罷歸。經孫嘗舉陳茂濂。至是爲公田官。分司嘉興。今浙江嘉興府聞經孫去國。曰。我不可以負徐公。亦謝事。終身不起。未幾帝手詔曰。永免和糴。無如買逾限之田爲良法。然東作方興。權俟秋成。續議施行。似道憤然上疏求去。復諷何夢然。陳堯道。曹孝慶。抗章畱之。且勸帝下詔慰勉。帝乃趣促似道出視事。似道復具陳其制。帝悉從之。
[綱]三月。蒙古始建太廟。蒙古建太廟於燕京。命僧薦佛事。七晝夜。歲以爲常。
[綱]夏六月。論買公田功。進知臨安府劉良貴等官。
[綱]秋

置權場於
襄陽

七月置權場

權貨之場。權見于樊城。卷四。

劉整言

於蒙古曰。南人惟恃呂文德耳。然可以利誘也。請還

以玉帶餽之。求置權場於襄陽。

見同上。

城外。蒙古從之。

至鄂。

見上卷二十九。

請於文德。文德許之。蒙古使曰。南人無

信。安豐。

見上卷二。

等處權場。每為盜所掠。願築土牆以護

貨物。文德不許。或謂文德曰。權場。成我之利。且可因

以通好。

去聲。

文德為請於朝。開權場於樊城外。築土牆

於鹿門山。

在襄陽府城東南。

外通互市。內築堡壁。

堡。小城。壁。軍壘。

蒙

古又

築堡於白鶴。

亦山名。

由是敵有所守。以遏南北之

援時出兵哨中吹角掠襄陽城外。兵威益熾。文德弟

文煥知為蒙古所賣。以書諫止。文德始悟。然事已無

及。惟自咎爾。

呂文德誤國之罪

增公田官

綱蒙古以廉希憲為中書平章政事。商挺參知政事。

綱甲子五年。蒙古至元元年春三月。增公田官于平江。今江南蘇

州諸路立四分司。以主管公田繫銜。平江嘉興安吉

府各一員。鎮常江陰共一員。每鄉置官莊一所。
民為官耕者曰官佃。為官督者曰莊官。莊官以富饒者充應。
綱何夢然罷。夏五

月以楊棟參知政事。葉夢鼎同知樞密院事。姚希
同簽書院事。綱秋七月。彗星出。中外上書乞罷公
賈似道。力求去位。詔勉留之。目彗星見五卷出。卽
燭天。長數十丈。自四更見。東方日高始滅。詔避殿。減
膳。許中外直言。臺諫士庶皆上書。以爲公卿不便。民
閒愁怨所致。於是似道上書力辯。乞避位。帝曰。言事
易。任事難。自古然也。公田之說。公私兼濟。所以決意
行之。今業已成矣。若遽因人言罷之。雖可快一時之
異議。如國計何。卿旣任事。亦當任怨。禮義不愆。何恤

兩宋一轍

人言。由是公論頓沮。**綱**黥配臨安府學生葉李等于遠州。廣之將亡也。黥配臨安府學生鄧肅歸田里。南宋義之將亡也。黥配臨安府學生葉李等於遠州。

彼儒者之獲無辜。固不服惜而。當時國家自底滅亡。亦可悲矣。**註**五卷二十。目葉李

蕭規應詔上書。詆賈似道專權害民。誤國似道命劉

良貴拈撫二。見上以罪黥配李於漳州。見上規於汀州。

今福建汀州府。**綱**蒙古阿里不哥自歸于上都。蒙古主釋不

治。其黨不曾花等伏誅。**綱**楊棟免。八月。蒙古以劉

秉忠為太保。參領中書省事。**綱**蒙古入都于燕。**目**劉

秉忠請定都於燕。見八二卷一蒙古主從之。詔營城池及

蒙古都燕

作銀關

宮室仍號為中都見同綱九月竄建寧府屬福建教授

謝枋得于興國軍目枋得考試宣城今江南寧國府及建康

今江南江寧府摘賈似道政事為問且言權姦擅國敵兵必

至趙氏必亡。漕使陸景思上其橐於似道於是左司

諫舒有開劾枋得怨望騰謗大不敬詔竄之綱作銀

關目賈似道以物貴由於楮賤楮幣賤由於楮多乃

更造銀關關見七九卷六每一准十八界會之三界見六卷十

六交子會見八自製其印如賈字狀行之出奉宸庫

二卷十會子珍貨收弊會於官廢十七界會不用銀關行物益貴

楮益賤。冬十月帝崩。太子禪卽位。尊皇后曰皇太

后。大赦。上帝廟號曰理宗。

史臣曰。理宗享國與仁宗同。然仁宗之世。賢相相繼。理宗四十年間。若崔與之。吳潛。皆弗究於用。而史彌遠。丁大全。賈似道。竊弄威福。相爲終始。治效之不逮仁宗。宜也。蔡州之役。可以雪先世之恥。顧乃貪地棄盟。事讐隨起。兵連禍結。姦臣以致於此。然嘉定以來。正邪貿亂。國是靡定。自帝繼統。首黜王安石。而尊濂洛。表朱氏。丕變土習。後世有以理學復古帝。王之治者。考論其功。自帝始焉。廟號曰理。其殆庶乎。名禪榮王與芮之子。初封忠王。理宗無嗣。立爲太子。在位十年。壽五十三歲而崩。帝荒於酒色。拱手權奸。喪師失地。殆無虛日。賈似道方且粉飾太平。天怒人怨。以至滅亡。

度宗皇帝

立爲太子。在位十年。壽五十三歲而崩。

理學復古
目帝始

度宗答拜
賈似道

綱乙丑。度宗皇帝咸淳元年。蒙古至元二年。春正月朔日食。

度宗即位之初而首歲首月首日遽爾日食天變者此強敵吞噬之象也可畏哉。綱二月。

以姚希得參知政事。江萬里同知樞密院事。王爚藥

簽書院事。三月葬永穆陵。夏四月加賈似道太師。

封魏國公。帝以似道有定策功。每朝必答拜。稱之

曰師臣。而不名。朝臣皆稱為周公。理宗山陵事竣。遂

已事而退。徑棄官還越。而密令呂文德詐報蒙古兵

立日竣。攻下沱。駝。鎮名在湖廣。荆州府枝江縣。急。朝中大駭。帝與太后手

詔起之。似道乃至。綱閏五月以江萬里參知政事。王

燭同知樞密院事。馬廷鸞簽書院事。**綱**秋八月。蒙古

以安童為中書右丞相。冬十月。命許衡議省事。衡辭

不許。**目**安童。木華黎見八五。四世孫。年二十一矣。蒙

古主以其幼未更耕事。召許衡於懷孟今河南懷慶府孟縣見上

二。俾議中書省事。衡至。以疾辭。蒙古主不許。安童親

候其館。與語良久。既還。念之不釋者累日。**綱**十一月

以雷夢炎簽書樞密院事。

綱丙寅二年。蒙古至元三年春正月。江萬里罷。**目**賈似道以

去要君。帝至拜雷之萬里以身掖。挾持也帝云。自古無

包恢政聲
赫然

此君臣禮。陛下不可拜。似道不可復言。去似道不知
所爲。下殿因舉笏謝萬里曰。微公似道幾爲千古罪
人。然以此益忌之。謀逐萬里。萬里亦四上疏求退。乃
以資政殿大學士奉祠。**綱**夏四月。姚希得王燭罷。**綱**
五月。以王燭參知政事。留夢炎同知樞密院事。包恢
簽書院事。**目**恢所至。以嚴爲治。破豪猾去姦吏。治蠱
獄。政聲赫然。理宗朝嘗因論對曰。陛下之心。如天地
日月。其閉而食者。外戚近習耳。**綱**秋七月。蒙古以張
德輝參議中書省事。**目**初德輝在吏部。幕見四一

下蒙古主在藩邸

見四八卷四

聞之名見問曰或云還以

釋廢金以儒亡有諸對曰遼事臣未周知金季乃所

親睹宰執皆武弁

便

世爵雖用一二儒臣及論軍國

大事又不使預聞然則金之存亡自有任其責者蒙

古主然之呼其字而不名德輝又嘗與元裕上謁請

蒙古主為儒教太宗師蒙古主悅而受之既即位以

為河東南北路宣撫使遂入議政

丁卯三年

蒙古至元四年

春正月立皇后全民國后會稽

理宗母慈憲夫人姪孫也寶祐

理宗寶祐年號

淮湖之民
尤可念

四賢配享

二子從祀

崇儒一節
左強人意

中父昭孫沒於王事理宗以母故常召后入宮問曰

爾父沒於王事每念之令人可哀后對曰妾父可念

淮湖之民尤可念也帝異之語去聲大臣曰全氏女言

辭甚令善也宜配家嗣以承宗祀遂納為太子妃綱帝

釋菜見上于孔子以顏回曾參孔伋孟軻配列邵雍

司馬光于從祀目又升顯孫師於十哲追封雍新安

伯明發理宗在位而崇儒重道之心隆度宗嗣位而崇

子從祀可謂父作之子述之善繼而善述者矣宋氏

立國江左庶厭不振獨崇儒一節差強人意故蒙古

亦視宋為衣冠禮樂之國弗綱蒙古許衡謝病還懷

綱鑑易知錄

卷八

宋度宗

十二

蒙古許衡
陳四事

以大學脩
身為本

綱鑑易知錄

卷八

二

孟子

衡陳時務四事

一日立國規模二日中書大要三日為君難四日農桑學校

書至萬餘言。且謂孔子曰。以道事君。不可則止。孟子

以責難陳善。乃為恭敬臣之所守如此。而大約以大

學修身為之本。蒙古主嘉納之。衡多病。蒙古主命五

日一至中書。至是始聽歸懷孟。見綱二月。以賈似道

平章軍國重事。三日一朝。治事都堂。目似道士疏乞

歸養。帝命大臣侍從傳旨固留。日四五至。中使知賜

日十數。至特授平章軍國重事。一月三赴經筵。三日

一朝。治事都堂。賜第西湖。在杭州府城西之葛嶺。使迎養其

中似道於是五日一乘湖船入朝。不赴都堂治事。吏抱文書就第呈署。大小朝政一切砌決於館客。廖料瑩中堂吏翁應龍宰執充位而已。似道雖深居簡出。凡臺諫彈劾諸司薦辟壁舉也。及京尹畿漕一切事。不關白不敢行。正人端士斥罷殆盡。吏爭納賂求美職。圖爲帥閫監司郡守者貢獻不可勝升計。一時貪風大肆。兵喪於外。匿不以聞。民怨於下。誅責無藝。猶言無極莫敢言者。**綱**三月以程元鳳爲右丞相樞密使。葉夢鼎參知政事。王燭知樞密院事。常挺簽書院事。元鳳

燭尋罷。夏六月。以馬光祖參知政事。秋八月。進

封嗣榮王與芮為福王。綱以葉夢鼎為右丞相兼樞

密使。固辭不許。目利州今四川保寧府廣元縣路轉運使王价

子愬求遺澤夢鼎以為合與。似道以恩不出已罷省

部吏數人夢鼎怒曰我斷不為陳自强。寧宗朝自強附韓侂胄得

我斷不為陳自强

相侂胄誅自強竄末州即求去。似道母責似道曰葉丞相安於

家食未嘗求進。汝強與以相印。今乃牽制至此。若不

從吾言。吾不食矣。似道曰為官不得不如此。會太學

諸生亦上書言似道專權固位。似道乃悔悟求解。夢

蒙古城白河口

鼎請去益力。帝不許。**綱**冬十二月。以呂文煥知襄陽府。見上

綱蒙古阿木劉整謀入寇。遂城白河口。**目**劉

整言於蒙古主曰。襄陽吾故物。由棄弗戍。恕使宋得

竊築為強藩。若復襄陽。浮漢入江。則宋可平也。蒙古

主從之。詔徵諸路兵。命阿木與整經略襄陽。阿木駐

馬虎頭山。在襄陽府南顧漢東白河口。在襄陽府東北曰。若築壘

於此。以斷短宋餉道。襄陽可圖也。遂城其地。呂文煥

大懼。遣人以蠟書以蠟為丸。置書其中告文德。文德怒且罵曰。

汝曹妄言邀功賞。設有之。亦假城耳。襄樊。見上同城池

堅深兵儲支十年令平聲呂六堅守果整妄作春水至

吾往取之比至恐遁去耳議者竊笑之

綱戊辰四年

蒙古至元五年

春正月留夢炎罷**綱**夏四月奪

觀文殿大學士惠國公謝方叔官爵**目**方叔以嘗為

東宮官自豫章

今江西南昌府

以一琴一鶴金丹一鑪獻帝

似道疑其觀望再相諷諫官趙順孫等論其不當誘

入主為聲色之好去聲欲謫之遠郡呂文德請以已官

贖方叔罪乃止奪官爵**綱**秋九月蒙古阿木劉整圍

襄陽**目**劉整與阿木計曰我精兵突騎所當者破惟

畫地為船
習水戰

武銳軍

水戰不如宋耳。奪彼所長。造戰艦。咸上聲。戰船。習水軍。則

事濟矣。乃造船五十艘。搜。船。之總名。日練水軍。雖雨不能

出。亦畫地為船而習之。得練卒七萬。遂築園。還。繞也。城

以逼襄陽。**綱**冬十一月。常挺卒。行義役法。十二

月。包恢罷。

綱己巳五年。蒙古至元六年。春正月。以李庭芝為兩淮制置

大使。**目**兼知揚州。今江南揚州府。時揚州新遭火。公私蕭然。

庭芝大築城壁。募汴南流民二萬餘人。以實之。號武

銳軍。脩學賑饑。民德之如父母。**綱**葉夢鼎上疏乞致

長圖

一字城

蒙古行新字

仕不待報而去。目夢鼎扼於賈似道不得行。乃引杜

衍故事上疏乞致仕。單車宵遁。詔判福州。夢鼎不拜。

綱以馬廷鸞江萬里參知政事。綱蒙古遣史天澤益

兵圍襄陽。目蒙古括諸路兵以益襄陽之師。遣史天

澤往經畫之。天澤至。築長圍起萬山。在襄陽府城西包百丈

山。在府城南令南北不相通。又築峴。賢上聲山。在府城南虎頭山

上。為一字城。聯互諸堡。以立久駐必取之基。綱二月

蒙古行新字。加號西僧八思巴為大寶法王。蒙古主命國師

八思巴創蒙古新字。頒行諸路。綱三月。蒙古軍圍樊。其字凡千餘。大要以諧聲為宗。

張世傑
之敗

夏貴
新城
之敗

見上。遂城鹿門。見上。京湖都統張世傑將兵拒之戰。

于赤灘圖敗績。世傑柔。見上。之從子從柔成。恕。

今河南開封府杞縣。有罪來奔阮思順。見而奇之。言於呂文德。

文德召置麾下。累功至都統制。綱以江萬里馬廷鸞

為左右丞相兼樞密使。馬光祖知樞密院事。夏五月。

光祖罷。綱秋七月。夏貴襲蒙古阿朮于新城敗績。綱

冬十二月。呂文德卒。以范文虎為殿前副都指揮使。

綱文德以許蒙古置權場。見上。為恨。每曰誤國家者

我也。因疽發背。乞致仕。詔授少師。封衛國公。卒。賈似

道以其婿范文虎總禁兵

綱庚午六年

蒙古至元七年

春正月以李庭芝為京湖制置

大使督師援襄樊

綱起復孫虎臣為淮東安撫副使

綱江萬里罷

萬里以襄樊為憂屢請益師往救賈似道不答萬里遂力求去出知福州

綱

蒙古廉希憲罷

綱蒙古主嘗令希憲受帝師

西僧人思巴

戒希憲對曰臣已受孔子戒矣蒙古主曰汝孔子亦

有戒邪對曰為臣當忠為子當孝孔子之戒如是而

已綱以陳宗禮簽書樞密院事趙順孫同簽書院事

綱宮中飲宴名曰排當理宗朝排當之禮多內侍自

排當

廉希憲受孔子戒

爲之一有拊賞。則必有私事密啓。帝卽位益盛。至出
內帑爲之。宗祧爲給事中。嘗上疏言。內侍用心。非借
排當以侵羨餘。則假秩筵以奉殷勤。不知費幾州汗
血之勞。而供一夕笙歌之樂。請禁絕之。不報。綱蒙古
立尚書省。以阿合馬平章政事。綱二月。蒙古以許衡
爲中書左丞。衡固辭。不許。目時阿合馬勢傾中外。其
子忽辛有同簽樞密院之命。衡執奏曰。國家事權。兵
民財三者而已。父典民與財。子又典兵。不可。蒙古主
曰。卿慮其反邪。衡曰。彼雖不反。此反道也。蒙古主以

天祥不
呈制稿

賈似道作
牛開堂

語阿合馬由是怨衡。亟薦衡爲左丞。欲因以事中之。
衡屢入辭免。蒙古主不許。綱夏四月。罷直學士院文。
天祥。目賈似道以去。要君。帝勉雷益堅。命學士降詔。
天祥當制。時內制相承。必先呈稿於相。天祥不從。似
道意不滿。諷別院改作。天祥亟求解職。遷祕書監。似
道使臺官張志立劾罷之。綱秋八月。詔賈似道十日
一朝。入朝不拜。目時襄樊圍急。似道日坐葛嶺。見上
起樓閣亭榭。謝。土高曰榭。有木曰榭。作半開堂。開延羽流。塑已
像其中。取宮人葉氏及娼尼有美色者爲妾。日肆淫。

與羣妾
樂舞
建多寶閣

樂嘗與羣妾踞地鬪蟋蟀所狎客戲之曰此軍國重
事邪酷嗜寶玩建多寶閣一日一登玩自是或累月
不朝有言邊事者輒加貶斥一日帝問曰襄陽之圍
已三年矣奈何似道對曰北兵已退陛下何從得此
言帝曰適有女嬪言之似道詰乞其人誣以他事賜
死由是邊事雖日急無敢言者綱冬十月詔范文虎
總中外諸軍救襄陽綱十一月蒙古城萬山自是襄陽道絕

。萬山見綱十二月陳宗禮卒

綱辛未七年蒙古至元八年十一月改國號曰元春二月大饑綱是歲

淮。浙。江。西。皆饑。命官賑貸。知撫州。

今江西撫州府。

黃震大書。

閉糴者籍彊糴者斬。不抑米價。勸分有方。全活甚衆。

綱夏五月。蒙古兵分道寇嘉定。

今四川嘉定州。

諸路。綱六月。

范文虎帥師至鹿門。

見上。

而遁。李庭芝自劾請代。不許。

綱蒙古以許衡爲集賢大學士。兼國子祭酒。目衡上。

疏論阿合馬專權罔上。蠹政害民諸事。不報。因謝病。

請解機務。蒙古主不許。且命舉目代者。衡奏曰。用人。

天子之大柄。臣下汎論其賢否則可。若授之以位。則。

斷自宸衷。不可使臣下有市恩之漸。乃拜衡集賢殿名。

許衡教弟子法

大學士兼國子祭酒。卽燕京南城舊樞密院設學。衡聞命喜曰。此吾事也。因請徵其弟子王梓耶律有尚姚燧等十二人爲齋長。時所選弟子皆幼穉。衡待之如成人。愛之如子。出入進退。其嚴如君臣。其爲教。因覺以明善。因善以開蔽。相其動息。以爲張弛。課誦少暇。卽習禮。或習書算。少者則令習拜跪揖讓進退應對。或射。或投壺。負者罰讀書若干遍。久之。諸生人人自得。尊師敬業。下至童子。亦知三綱五常爲生人之道。廣魯齋設教之方。千古一人而已。蒙古始興而義得大儒爲之輔佐。如此抑豈偶然之故哉。綱

冬十一月。蒙古改國號曰元。取易乾元之義。從太

保劉秉忠請也。

綱壬申八年。元至元九年春正月。元罷尚書省。阿合馬仍平章中書

省事綱夏五月。李庭芝使統制張順。張貴將兵救襄陽。

與元軍戰敗。績皆死之。襄陽被圍五年。援兵不至。

呂文煥竭力拒之。幸城中稍有積粟。盜所乏者鹽薪。

布帛爾。至是詔李庭芝移屯郢州。今湖廣武昌府庭芝闢詔去

聲。窺視地。知襄陽西北一水曰清泥河。即其地造輕舟。

百艘出重賞募死士。得襄郢山西民兵之驍悍善戰。

張死節

張順竹園

者三千人。求將得民兵部轄張順張貴俱智勇素為

諸將所服。仰為都統。號貴曰矮監上聲張順曰竹園張

出令曰。此行有死而已。汝輩或非本心。宜亟去。毋敗

吾事。人人感奮。漢水方生。乘順流發舟百艘。夜漏下

三刻。起石訂。鎮。舟石也。出江。以紅燈為號。貴先登。順殿顛去

聲之。乘風破浪。徑犯重圍。元兵布舟蔽江。無隙可入。

順等乘銳胃斷短鐵紐互。紐。大索也。攢棧同。棧。數百。轉戰百

二十里。元兵皆披靡。震懾貌。以避其鋒。黎明。黎黑也。天將明而猶

也。抵襄陽城下。城中久絕援。聞順等至。踴躍過望。勇

諸軍驚以
為神

極遲精

氣百倍。及收軍。獨失順。越數日。有浮屍逆流。而
上。被甲冑。執弓矢。直抵浮梁。視之。則順也。身中四創。
鏑鎗六箭。怒氣勃勃如生。諸軍驚以為神。結塚斂葬。
本字之。貴入襄陽。文煥固留共守。貴恃其驍勇。欲還郢。乃
募二士。能伏水中數日不食。持蠟書。見上赴范文虎。
於郢求援。元兵增守益密。水路連鎖數十里。列撒。薩
星椿。雖魚鰓不得度。二人遇椿。即鋸斷之。竟達郢。還
報。許發兵五千。駐龍尾洲。以助夾擊。刻日既定。乃別
文煥東下。點視所部軍。洎。忌也。登舟。帳前一入亡去。

乃有過被撻者。貴驚曰：「吾事泄矣。」亟行。彼或未及知。

復不能銜枚。

見六五卷十八

隱迹，乃舉砲鼓譟，發舟乘夜順

流斷紆，破圍冒進。元兵皆辟易。

見五十卷八

既出險地，漸

近龍尾洲。遙望軍船，旗幟紛披。貴兵以爲郢兵來會。

喜躍而進。及勢近，欲合，則來舟皆元軍也。蓋郢兵前

二日，以風水驚疑，退屯三十里。而元兵得逃卒之報。

先據龍尾洲，以逸待勞。貴與戰而困，且出於不意。所

部殺傷殆盡。貴身被數十創，力不能支，遂被執。見阿

朮於櫃門關。阿朮欲降之。貴誓不屈，乃見殺。元令降

卒四人昇

預。對舉也。

貴屍至襄陽城下曰識矮張都統

乎。此是也。

守陴

皮。城上女牆。

者皆哭。城中喪氣。文煥斬四

卒。以貴

附

葬順塚。

立雙廟祀之。

綱

六月。竄資政殿

大學士皮龍榮于衡州。道卒。龍榮舊宮僚也。知賈

似道忌之。家居杜門不預人事。一日帝偶問龍榮安

在。似道恐其召用。陰諷湖南提刑李雷應誣劾以事

徙衡州。

今湖廣衡州府。

居住。龍榮恐不為雷應所容。未至飲

藥卒。

綱

以章鑑同簽書樞密院事。

綱

秋九月。有事于

明堂。大雨。帝還宮。賈似道去位。詔出貴嬪胡氏為尼。

似道乃還。祀明堂。似道為大禮使。禮成。幸景靈宮。

見七十二卷十五。將還。遇大雨。似道期帝雨止升輅。胡貴嬪之

兄顯祖為帶御器械。請如開禧寧宗故事。却輅乘道。

遙輦。連上聲。人步挽車曰輦。還宮。帝曰。平章得無不可。顯祖給

臺上聲。詎也。曰。平章已允。帝遂歸。似道大怒曰。臣為大禮

使。陛下舉動不得預聞。乞罷政。即日。出嘉會門。帝固

畱之不得。乃罷顯祖。涕泣出。貴嬪為尼。似道始還。綱

涕泣出貴嬪為尼

冬十一月。馬廷鸞罷。廷鸞扼於賈似道。力辭相位。

乃授觀文殿大學士。知饒州。今江西饒州府。入辭。帝惻怛久

南宋之亡
決於此

之曰丞相勉為朕留廷鸞對曰臣死亡無日恐不得
再見君父然國事方殷疆圉語孔棘急天下安危人
主不知國家利害羣臣不知軍前勝負列闔不知陛

下與元老大臣惟懷永圖臣死且瞑目泣拜而出義廣

觀延鸞三不知之說豈不為之痛哭哉南宋
之亡決於此矣蓋不待厓山之極而後見也綱十二

月召葉夢鼎入相固辭不至目詔加夢鼎少傅入相

夢鼎引疾力辭使者相繼促行扶病至嵎盛縣屬浙

府疏奏願上厲精寡欲規當國者收入心固邦本扁

篇小也舟徑還使者以禍福告夢鼎曰廉恥事大死生

范天順牛
富死節

事小萬無可回之理。賈似道大怒，乃令致仕。

綱癸酉九年。元至元十年。春正月，樊城陷。守將范天順、牛

富死之。樊城被圍。見上。十四年，范天順、牛富力戰不

為。去聲。傷也。敗。富又數射石書襄陽城中。期呂文

煥相與固守為唇齒。未幾，阿里海涯得西域人所獻

新砲法，乃進攻樊。破外郭。郭也。張弘範為流矢中其

肘，束創傷也。見阿朮曰：襄在江南，樊在江北。我陸攻

樊，則襄出舟師求救，終不可取。若截江道斷。短。救兵

水陸夾攻，則樊破而襄亦下矣。阿朮從之。初，襄樊兩

城漢水出其間。文煥植木江中。鑲同以鐵紐。見上上

造浮橋以通援兵。樊亦恃此為固。至是阿木以機鋸

斷木以斧斷紐。燔其橋。襄兵不能援。乃以兵截江而

出。銳師薄博樊城。城遂破。天順仰天歎曰。生為宋

臣。死為宋鬼。即所守處縊意死。富率死士百人巷戰。

元兵死傷者不可計。渴飲血水。轉戰而進。遇民居燒

絕街道。富身被重傷。以頭觸柱赴火死。裨皮將偏將也。

王福見富死。歎曰。將軍死國事。吾豈宜獨生。亦赴火

死。綱二月。呂文煥以襄陽叛降元。目襄陽久困援絕。

王福死節

文煥每一巡城。南望慟哭而後下。告急於朝。買似道

累上書請行

上聲。巡視也。

邊。而陰使臺諫上章。畱已樊城

既陷。復申請之。事下公卿雜議。監察御史陳堅等以
爲帥臣出顧襄。未必能及淮。顧淮。未必能及襄。不若
居中以運天下。帝從之。未幾。阿里海涯帥總管唆都
等。移破樊。攻具以向襄陽。城中洶洶。諸將多踰城降
者。阿里海涯身至城下。宣元主所降招諭文煥。詔曰。
爾等拒守孤城。於今五年。宣力爾主。固其宜也。然勢
窮援絕。如數萬生靈何。若能納款。悉赦勿治。且加遷

詔城清口

擢文煥乃出降。且陳攻郢見上之策。請已爲前鋒。阿
木入襄陽。阿里海涯遂階文煥朝燕。元主以文煥爲
襄漢大都督。事聞。似道言於帝曰。臣始屢請行邊。陛
下不之許。向使早聽臣出。當不至此。**綱**三月。詔城清
口。清口在江南
淮安府清河縣**目**劉整故吏羅鑑自北復還。上整
書稿一帙於四川制司。有取江南二策。其一言先取
全蜀。蜀平。江南可定。其二言清口桃源河淮要衝。宜
先城其地。屯山東軍以圖進取。帝亟詔淮東制司往
清口擇利地築城備之。**綱**元主立其子真金爲太子。

人心猶印板然

真金蒙古主之長子初封燕王守中書令兼判樞

密院事劉秉忠薦中山

今直隸真定府定州

王恂以輔之蒙古

主以為太子贊善真金問恂以心之所守恂曰嘗聞

許衡言人心猶印板然板本不差雖摹千萬本皆不

差本既差矣摹之於紙無不差者真金曰善至是立

為皇太子綱李庭芝免夏四月以汪立信為京湖制

置使趙潛

晉

為沿江制置使

立信兼知江陵潛兼建康留守晉多獻寶玉於

似道故有是命

綱六月降范文虎一官職任如故竄僉典子

大忠于循州綱給事中陳宜中言襄樊之失皆由范

文虎怯懦逃遁。見上。乞斬之。賈似道不許。止降一官。

汪立信言臣奉命分關。延見吏民。皆痛哭流涕。言襄

樊之禍。皆由范文虎。及俞興。見上。父子。文虎聞難怯

戰。僅從薄罰。猶子天順守節不屈。見上。猶可少贖其愆。

興奴隸庸材。務復私怨。激叛劉整。流毒至今。其子大

忠。挾多資。爲父行賄。且自希進。今雖寸斬。未足以快

天下之忿。乞置重典。則人心興起。事功可圖。詔除大

忠名。循州。今廣東。拘管。**綱**秋七月。元許衡乞罷。許之。

臣阿合馬等。屢毀漢法。諸生廩食或不繼。衡請還懷

元主以問翰林學士王磐。磐對曰：衡教人有法。諸生行可從政，此國之大體，宜勿聽其去。元主又命諸老臣議其去留。竇默爲衡懇請，乃聽衡還。劉秉忠、姚樞及磐默等復請以贊善王恂攝學事。衡弟子耶律有尚、蘇郁、白棟爲助教。庶幾衡之規矩不致廢墜從之。

魯齋之道
通於萬世

雲間張氏曰：嗟夫，魯齋之仕元，猶蘇合之遺糞穢耳。雖然，仕宋母乃不可乎？曰：宋以奸臣亂政，暗主負乘，國之將亡，不可爲也。其仕於元，豈其本心哉？乃不得如孔孟之周流四歷，列聘羣國耳。噫，魯齋之於道，雖塞於一時，實通於萬世君子幸焉。

綱九月以章鑑簽書樞密院事陳宜中同簽書院事

綱冬十一月以李庭芝夏貴為淮東西制置使陳奕

為沿江制置使庭芝兼知揚州貴兼知廬州奕兼知黃州

綱甲戌十年元至元十一年春正月賈似道母死詔以鹵簿

天子儀衛葬之遂起復似道入朝綱元以伯顏為中

書左丞相伯顏事宗王旭烈見上卷於西域嘗入

奏事蒙古主見其貌偉言厲曰此非諸侯王臣遂畱

與議國政自右丞進左相綱二月趙順孫罷綱秋七

月帝崩子嘉國公顯即位太后臨朝稱制綱帝崩

汪立信移書賈似道

年五十三。賈似道入宮議所立。衆以建國公昱是長

當立。似道主嫡。乃立嘉國公焘。時年四歲矣。謝太后

臨朝稱詔。號帝廟曰度宗。綱封兄昱爲吉王。弟昺爲

信王。昱母楊淑妃。綱詔賈似道獨班起居。尊皇大

后曰太皇太后。皇后曰皇太后。綱罷京湖制置使汪

立信。綱立信移書賈似道謂。今天下之勢。十去八九。

誠上下交脩。以迓續天命之幾。重惜分陰。以趨事赴

功之日也。而乃酣歌深宮。嘯傲湖山。玩歲愒月。玩

皆貪也。左傳玩歲而愒日。緩急倒施。以求當天心。俯遂民物。拱揖

今日之計
其策有三

指揮而折衝萬里者不亦難乎。爲今日之計者其策有三。夫內郡何事乎多兵。宜盡出之江干。水涯曰干以實外禦。算兵帳見兵可七十餘萬人。老弱柔脆十分汰二。爲選兵五十餘萬人。而沿江之守則不過七千里。若距百里而屯。屯有守將。十屯爲府。府有總督。其尤要害。見五十卷十處輒參同。倍其兵。無事則泛舟長淮。往來游徼。教。邏卒。日。游。徼。有事則東西齊奮。戰守並用。刁斗見十三。相聞餽餉不絕。互相應援。以爲聯絡之固。選卷十五。宗室大臣忠良有幹用者立爲統制。分東西二府以

薩任得其人。率然之勢。此上策也。久拘聘使。無益於

我。徒使敵得以為辭。請禮而歸之。許輸歲幣以緩師

期。不二三年。邊運稍休。藩垣稍固。生兵日增。可戰可

守。此中策也。二策果不得行。則天敗我。銜璧與觀。觀

左傳。僖公六年。許男面縛銜璧。大夫衰經士與觀。注

手於後。惟見其面。以璧為贅。手縛故銜之。與共舉

觀。空棺也。君將受死。故使之禮。請備以俟。似道得

大夫衰經士與觀而從之。之禮。請備以俟。似道得

書大怒。抵之地。詎曰。瞎音入聲。目盲也。賊狂言敢爾。蓋立

信一目微眇云。尋中以危法廢斥之。綱以朱祺祀孫

為京湖四川宣撫使。兼知江陵府。綱八月。大霖雨。天目山

在杭州府。水涌安。今浙江臨安縣。臨安。即杭州府餘杭。

州府餘杭縣。民溺死者無算。元以博羅權為中書右丞。

元大保劉秉忠卒。秉忠自幼好學。至老不衰。雖

位極人臣。終日澹然。不異平昔。至是卒。元主驚悼。謂

左右曰。秉忠事朕三十年。小心慎密。不避艱險。言無

隱情。其陰陽術數之精。占事知來。若合符契。惟朕知

之。他人不得與聞也。贈太傅趙國公。諡文貞。元史

天澤伯顏大舉入寇。天澤有疾而還。阿木自襄樊

既下。奉命略淮東而還。與阿里海涯同請南侵。且

臣久在行間。備見宋兵之弱。失今不取。時不再來。劉
整亦言襄陽破。則臨安搖矣。若以水軍乘勝長驅。則
大江必非宋有。元主可其奏。史天澤姚樞復上言。如
求大將。非安童不可。元主遂下詔數上聲宋賈似道。背
盟拘執。信使之罪。命天澤伯顏總諸道兵。與阿朮阿
里海涯呂文煥行中書省於荊湖。博羅懽阿荅海劉
整塔出董文炳行樞密院於淮西。兵凡二十萬。天澤
至郢。見上病篤。召還。諸軍並聽伯顏節制。**綱**九月。元
呂文煥以伯顏趨郢州。劉整以博羅懽趨淮西。**綱**冬。

邊居誼死

淮東號小朝廷

十月元伯顏攻郢州張世傑時將兵力戰禦之伯顏

遂潛兵入漢今湖廣漢陽府屠沙洋陷新郢守將邊居誼死

之綱十一月以陸秀夫參議淮東制置司事目李庭

芝在淮南今江南揚州府庭芝為聞秀夫名辟舉也

置幕見上下時天下稱得士多者以淮東為第一號

小朝廷秀夫性沉靜不苟求人知每僚吏至閣哈賓

主交驩秀夫獨斂焉無一語或時宴集府中矜莊終

日未嘗少有希合至察其事皆治庭芝益器之雖改

官不使去己綱以王爚章鑑為左右丞相兼樞密使

燭固辭不許。**綱**十二月元伯顏攻陽邏堡。在湖廣黃州府城西

夏貴帥師拒之。伯顏使阿木襲青山磯。在湖廣武昌府城北遂

渡江。**綱**元伯顏拔陽邏堡。夏貴棄師還。伯顏遂會阿

木趨鄂州。即武昌府**綱**朱禩孫將兵救鄂。不至而還。禩孫

兵趨鄂。師援之。道聞陽邏堡之敗。乃夜奔還江陵府。**綱**鄂州降元。權守張晏然與都統

程鵬飛以伯顏使行省右丞阿里海涯成。鄂遂引

兵東下。伯顏自率大衆與**綱**詔賈似道都督諸路軍

馬。開府臨安。似道以孫虎臣總統諸軍。**綱**鄂既破。朝

廷大懼。三學生及羣臣上疏。以為非師相親出不可。

似道不得已始開都督府於臨安。以黃萬石等參贊

軍事。**綱**詔天下勤王。**綱**以高達為湖北制置使。知江陵府

綱陳奕以黃州叛降元。**綱**李庭芝遣兵入援。

